

全上古三代秦漢三國六朝文

全齊文目錄

高帝 卷一至卷二

武帝 卷三至

鬱林王

海陵王

明帝

東昏侯

和帝

已上卷五

文安王后

豫章王疑

江夏王鋒

始安王遙光

文惠太子長懋 已上卷六

竟陵王子良

魚復侯子響

隨郡王子隆

已上卷七

蕭景先

蕭緬

蕭穎胄

王琨

王遠之

王珪之

王顥

王僧虔

王慈 已上卷八

王儉 卷九至卷十一

王奐

王融

王秀之

王晏

王思遠 已上卷十二至卷十三

褚淵

張沖

明僧紹

檀超

沈淵

沈沖

沈憲

李安民

謝超宗 已上卷十四

張融

王玄載

江謐

陸澄

顧測 已上卷十五

祖仲之 卷十六

柳世隆

丘巨源

袁彖

丘崇祖

劉休

劉俊

劉繪 已上卷十七

庾玩之

劉賦

劉邁

劉善明

呂安國

裴昭明

劉祥

已上卷十八

孔稚珪

何昌寓

已上卷十九

徐孝嗣

周顒

王琰

劉蚪

已上卷二十

曹虎

虞棕

胡諧之

周山文

裴叔業

崔慧景

崔覺

崔偃

崔祖思

崔元祖

王彬 已上卷二十一

顧歡

宗淵

陳文建

一作文  
孝建

任遐

張欣泰

司馬憲

熊襄

孔顓

蔡履

己上卷二十二

謝眺

卷二十三

王祐

劉蔓

蔡仲熊

紀德眞

孔琇之

庾杲之

殷灞

何諲之

桑惠度

顧嵩之

王楨

陸厥

綦母珍之

李攜

己上卷二十四

王植

王儻之

杜元懿

荀平一作荀平

崔慰祖

王雄

謝曇濟

江祀

虞炎

虞羲

陶韶

徐景嵩

庾弘遠

謝赫已上卷二十五

闕名

敕奏議符移銘

外國

百濟國王

芮芮相

扶南國王

釋氏

那伽仙

釋玄暢

釋智林

釋道盛

釋弘光

釋慧琳

竺法真

釋僧巖

釋玄光

釋氏闕名

僊道

孟景翼

已上卷二十六

大凡全齊文二十六卷一百三十一人

謹按梅氏齊文紀有蕭日南者蕭昂之誤梁書昂作景避諱改

今編入全梁文

全齊文卷一

烏程嚴可均校輯

高帝一

帝姓蕭諱道成字紹伯小名鬪將南蘭陵武進人元嘉末爲左軍中兵參軍襲父承之爵晉興縣男孝武卽位歷大司馬參軍太宰員外郎直閣中書舍人撫軍參軍建康令北軍中郎中兵參軍丁母憂起爲武烈將軍復爲建康令景和中除後軍將軍泰始初爲右軍將軍加輔國將軍除驍騎將軍封西陽縣侯遷衛軍司馬除征北司馬南東海太守行南徐州事假冠軍將軍遷南兖州刺史入拜散騎常侍太子左衛率泰豫末爲右衛將軍領衛尉元徽中加侍中平南將軍尚書左僕射尋弒蒼梧王迎立順帝進侍中司空錄尚書事驃騎大將軍封竟陵郡公假黃鉞進太尉都督南徐等十六州諸軍事進都督中外諸軍事



太傅領揚州牧昇明三年三月進相國總百揆封齊公加九錫  
四月進爵爲王受禪改元建元在位四年諡曰高皇帝廟號太  
祖

卽位改元大赦詔

建元元年四月

五德更紹帝迹所以代昌二正迭隆王度所以改耀世有質文時  
或因革其資元膺厥經道振民固以異術同揆殊流共貫者矣朕  
以寡昧屬值艱季推肆勤之誠藉樂治之數賢能悉心士民致力  
用獲拯溺龕暴一匡天下業未參古功殆俾昔宋氏以陵夷有微  
麻數攸及思弘樂推永鑒崇替爰集天祿於朕躬惟志菲薄辭弗  
獲昭遂欽從天人式繇景命祇月正於文祖升禋鬯於上帝猥以  
寡德光宅四海纂革代之蹤託王公之上若涉淵水罔知所濟寶  
祚初啟洪慶惟新思俾利澤宣被億兆可赦天下改昇明三年爲  
建元元年賜人爵二級文武進位二等餘寡孤獨不能自存者殺

人五斛。逋租宿債勿復收。有犯鄉論請議贓汗淫盜。一皆蕩滌。洗除先注。與之更始。長徒赦繫之囚。特皆原遣。亡官失爵。禁錮奪勞。一依舊典。南齊書高帝紀下

### 降封宋世公侯詔

繼世象賢。列代盛典。疇庸嗣美。前載令圖。宋氏通侯。乃宜隨運。省替。但欽德懷義。尚表墳閭。况功濟區夏。道光民俗者哉。降差之典。宜遵往制。南康縣公華容縣公可爲侯。萍鄉縣侯可爲伯。減戶自差。以繼劉穆之王弘。何無忌後。南齊書高帝紀下

### 慶宥詔

宸運肇創。寶命惟新。宜弘慶宥。廣敷蠲汰。劫賊餘口。沒在臺府者。悉原赦。諸負釁流徙。普聽還本土。南齊書高帝紀下

### 下二宮諸王詔

自廬井毀。制農桑易業。鹽鐵妨民。貨鬻傷治。歷代成俗。流蕪歲滋。

援拯遺弊革未反本使公不專利氓無失業二宮諸王悉不得營

立屯邸封略山湖太官池鱸宮停稅入優異省置南齊書高帝紀下

宋世有功者仍本封詔建元元年五月

宸運革命引爵改封宋氏第族雖宜省替其有預効屯夷宣力齊

業者一仍本封無所減降南齊書高帝紀下

斷眾募詔

設募取將懸賞購士蓋出權宜非曰恆制頃世艱險浸以成俗且

長遁逸開罪山湖是爲黥刑不辱亡竄無咎自今以後可斷眾募

南齊書高帝紀下

郵枯骸毀榷詔建元元年六月

宋末頻年戎寇兼災疾凋損或枯骸不收毀榷莫掩宜速宣下埋

藏營郵若標題猶存姓字可識可卽運載致還本鄉南齊書高帝紀下

宣撫交州詔建元元年七月

交趾比景獨隔書朔斯乃前運方季負海不朝因迷遂往歸款莫由曲救交州部內李叔獻一人卽撫南土文武詳才選用並遣大

使宣揚朝恩

南齊書高帝紀下

甄敘遺才詔

建元元年十月

朕嬰綴世務三十餘歲險阻艱難備嘗之矣末路屯夷戎車歲駕誠藉時來之運實資士民之力宋元徽二年以來諸從軍得官者未悉蒙祿可催速下訪隨正卽給才堪餘任者訪洗量序若四州士庶本鄉淪陷簿籍不存尋校無所可聽州郡保押從實除奏荒遠關中正者特許據軍簿奏除或戍扞邊役末由旋反聽於同軍各立五保所隸有司時爲言列

南齊書高帝紀下

詔報夏侯恭叔

與逋隆替自古有之朝議已定不容復厝意也

南齊書劉峻傳太祖受禪平西記室

參軍夏侯恭叔上書以柳元景中興功臣劉夔弼身王導宜存封爵詔云云

與褚淵手詔

建元元年

向見世隆毀瘠過甚殆欲不可復識非直使人惻然實亦世珍國

寶也

南齊書柳世隆傳

荅陳顯達詔

建元元年

朝廷爵人以序卿忠發萬里信誓如期雖屠城殄國之勲無以相  
加此而不賞典章何在若必未宜爾吾終不妄授於卿數不意同  
家人豈止於君臣邪過明與王李俱祗召也

南齊書陳顯達傳

手詔賜張融衣

見卿衣服羸故誠乃素懷有本交爾藍縷亦虧朝望今送一通故  
衣意謂雖故乃勝新也是吾所著已令裁減稱卿之體並履一量

南齊書張融傳

原王遜詔

建元初

儉門世載德竭誠佐命特降刑書宥遜

南齊書王儉傳儉弟遜建元初爲晉陵太守有怨言

中丞陸澄依  
傳與太子詔

以豫章王嶷爲荆湘二州刺史詔 建元元年

神牧總司王畿誠爲治要荆楚領馭遐遠任寄弘隆自頃公私凋  
盡綏撫之宜尤重恆日復以爲都督荆湘雍益梁寧南北秦八州  
諸軍事南蠻校尉荆湘二州刺史持節侍中將軍開府如故 南齊書豫

章王  
嶷傳

下陸澄詔 建元元年

澄表據多謬不足深効可白衣領職 南齊書  
陸澄傳

授加羅國王荷知詔 建元元年

量廣始登遠夷洽化加羅王荷知款關海外奉贄東遐可授輔國

將軍本國王 南齊書東  
夷傳

詔答河南王拾寅 建元元年

皇帝敬問使持節散騎常侍都督西秦河沙三州諸軍事車騎大

將軍開府儀同三司領護羌校尉西秦河二州刺史新除驃騎大將軍河南王賈命革授爰集朕躬猥當大業祇惕兼懷夏中增感王世武至得元徽五年五月二十一日表聞之溼熱想比平安又卿款誠遙著保盛遐壘今詔升徽號以酬忠款遣王世武銜命拜授又仍使王世武等往芮芮想卽資遣使得時達又奏所上馬等物悉至今往別牒錦絳紫碧綠黃青等紋各十匹南齊書河南氏羌傳按河南

卽吐谷渾

下葭蘆鎮主楊廣香詔

建元元年

昔絕國入贄美稱前冊殊俗內款聲流往記僞虜葭蘆鎮主陰平郡公楊廣香忽結同族疊起親黨當宋之世遂舉地降敵葭蘆失守華陽暫驚近單使先馳宣揚皇威廣香等追其遠世之誠仰惟新之化肉袒請附復地千里氏羌雜種咸同歸從宜時領納厚加優餼廣香翻迷反正可特量所授部曲酋豪隨名酬賞南齊書氏羌傳

徵明僧紹詔

建元元年冬

朕側席思士，載懷靡外。齊郡明僧紹，標志高栖，耽情墳素，幽貞之操，宜加賞飾。徵爲正員外郎。

南齊書明僧紹傳

下顧歡劉思効詔

朕夙旦惟寅，思弘治道。仲夢嚴濱，垂精管庫。盱食繁懷，其勤至矣。吳郡顧歡，敢騎郎劉思効，或至自巨國，或越在冗位，竝能獻書金門，薦辭鳳闕，辨章治體，有協朕心。今出其表，外可詳擇所宜，以時敷奏。歡近已加旂賁，思効可付選銓序，以顯謙言。

南齊書顧歡傳

答劉休詔

建元初

卿職當國司，以威裁爲本，而忽憚世誚，卿便應辭之。如事可獲，何

惰晚節邪。

南齊書劉休傳

遣還流徙詔

建元二年二月

江西北民，避難流徙者，制遣還本土。蠲今年租稅，單貧及孤老不



能自存者卽聽番籍郡縣押領

南齊書高帝紀下

除宥詔

建元二年六月

昔歲水旱曲赦丹陽二吳義興四郡遭水尤劇之縣元年以前三調未充虛列已畢官長局吏應共償備外詳所除宥

南齊書高帝紀下

詔朝臣

建元二年

黃籍民之大紀國之治端自頃氓俗巧僞爲日已久至乃竊注爵位盜易年月增損三狀買糞萬端或戶存而文書已絕或人在而反託死叛停私而云隸役身強而稱六疾編戶齊家少不如此皆政之巨蠹教之深疵比年雖徂籍改書終無得實若約之以刑則民僞已遠若緩之以德則勝殘未易卿諸賢竝深明治體可各獻嘉謀以振澆化又臺坊訪募此制不近優刻素定閑劇有常宋元嘉以前茲役恆滿大明以後樂補稍絕或緣寇難頻起軍蔭易多民庶從利投坊者寡然國經未變朝紀恆存相揆而言隆替何速

此急病之洪源，曷景之切患，以何科算革斯弊邪。南齊書虞玩之傳，又見通典三

贈諡劉善明詔。建元二年

善明忠誠夙亮，幹力兼宣，豫經夷險，勤績昭著，不幸殞喪，痛悼於懷。贈左將軍、豫州刺史，諡烈伯。南齊書劉善明傳

遣呂安國、安集司州詔。建元二年

郢司之間，流雜繁廣，宜竝加區判，定其隸屬，參詳兩州，事無專任。

安國可暫往經理，以本官使持節、總荆郢諸軍，北討事屯義陽西

關。南齊書呂安國傳

銓序垣、崇祖等詔。建元二年

醜虜送死，敢寇壽春，崇祖盤龍，正勤義勇，乘機電奮，水陸斬擊，虛

川蔽野，師不淹晨，西蕃剋定，斯實將率用命之功，文武爭伐之力。

凡厥勳勤，宜時銓序，可符列上。南齊書周盛龍傳

遣李安民、援、徐兗詔。建元二年

青徐泗州義舉雲集安民可長轡遐馭指授羣帥

南齊書李安民傳

立學詔

建元四年正月

立國學置學生百五十人其有位樂入者五十人生年十五以上二十以還取王公已下至三將著作郎廷尉正太子舍人領護諸府司馬諮議經除敕者諸州別駕治中等見居官及罷散者子孫悉取家去都二千里爲限

南齊書禮志上

南齊書高帝紀下有建元四年正月立學詔編入江淹集中

蠲復建元已來戰亡家租布雜役詔

建元四年正月

比歲申威西北義勇爭先殞氣寇場命盡王事戰亡蠲復雖有恆典主者遵用每傷簡薄建元以來戰亡賞蠲租布三十年雜役十年其不得收屍主軍保押亦同此例

南齊書高帝紀下

大漸召褚淵王儉詔

建元四年三月

吾本布衣素族念不到此因藉時來遂隆大業風道沾被升平可

期。遭疾彌留，至於大漸，公等奉太子如事吾，柔遠能邇，輯和內外，當令太子敦睦親戚，委任賢才，崇尚節儉，弘宣簡惠，則天下之理盡矣。死生有命，夫復何言。

南齊書高帝紀下

賜進士出身二品銜廣東等處提刑按察使司按察使兼管驛傳事務黃岡王毓藻校刊

全齊文卷二

烏程嚴可均校輯

高帝二

敕荀伯玉昇明初

我出行日，城中軍悉受長懋節度。我雖不行，內外直防及諸門甲

兵，悉令長懋時履行。南齊書文惠太子傳

與劉懷慰手敕

有文事者必有武備，今賜卿玉環刀一口。南齊書劉懷慰傳齊國建以懷慰爲齊郡太守

手敕

敕世子蹟

三昧至性如此，恐不濟。汝可與共往，每抑割之。南史四十三武陵王暹母羅氏從高

帝在淮陰，陰以罪誅暹年四歲，每慟吐血。高帝敕武帝云云三昧暹小字也。

敕荅柳引

柏年幸可不爾爲之恨恨

□□□□□□范柏年爲梁州刺史沈攸之傳起遣將聲援京師而候望形勢

胡延許爲府左史因執誅之引稱

太祖敕答

手敕張岱

建元元年

大邦任重乃未欲回換但總戎務殷宜須望實今用卿爲護軍加

給事中

南齊書張岱傳

敕桓景真

主衣中似有玉介導此制始自大明末後泰始尤增其麗雷此置

主衣政是興長疾源可卽時打碎凡復有可異物皆宜隨例也

南齊書高帝紀下

敕垣崇祖

修理芍陂田

建元二年

卿視吾是守江東而已邪所少者食卿但努力營田自然平殄虜

寇昔魏置典農而中都足食晉開汝潁而河汴委儲卿宜勉之

南齊書垣崇祖傳

又見通典二

敕給垣崇祖鼓吹

韓白何可不與眾異給鼓吹一部

南史二  
十五

敕劉懷慰

間道標分明來其兒婦竝在都與諸弟無復同生者凡此類無爲

不多方悞之縱不全信足使豺狼疑惑

南齊書薛淵傳所遣將薛  
道標寇壽春太祖以道標

淵之親近敕齊郡太守劉懷慰云  
云合爲淵書與道標示購之之意

敕柳世隆

建元二年

歷陽城大恐不可卒治正宜斷隔之深爲保固處分百姓若不將

家守城單身亦難可委信也

南齊書柳  
世隆傳

吾更歷陽外城若有賊至勒百姓守之故應勝割棄也

同上

比思江西蕭索二豫兩辦爲難議者多云省一足一於事爲便吾

謂非乃乖謬卿以爲云何可具以聞

同上垣崇祖既破虜上  
欲罷併二豫救世隆

敕周山圖

建元二年



知卿綏邊撫戎甚有次第應變策略悉以相委恐列醜未必能送  
死卿丈夫無可藉手耳

南齊書周山圖傳上策處  
必不出淮陰乃救山圖

卿當盡相帥取理每存全重天下事唯同心力山岳可摧然用兵  
當使背後無憂慮若後冷然無橫來處閉目痛打無不摧碎吾政  
應鑄金待卿成勳耳若不藉此平四州非丈夫也努力自運勿令  
他人得上功

南齊書周山圖傳是時淮北四州起義  
上使山圖自淮入清倍道應赴救山圖

手救餉周盤龍妾杜氏

餉周公阿杜

南齊書周盤龍傳上送金銀緡  
二十枚手救又南史四十六

救陳顯達

建元二年

虜經破散後當無復他關理但國家邊防自應過存備豫宋元嘉  
二十七年後江夏王作南兗徙鎮防貽沈司空亦以孝建初鎮彼  
政當以淮上要於廣陵耳卿謂前代此處分云何今僉議皆云卿  
應據彼地吾未能使乃當以擾動文武爲勞若是公計不得憚之

南齊書陳顯達傳

敕柳世隆 建元三年

比有北信賊猶治兵在彭城年已垂盡或當未必送死然豺狼不可以理推爲備或不可懈彼郭旣無關要用宜開除使去金城三十丈政佳耳發民治之無嫌若作三千人食者已有幾米可指牒付信還民間若有丁多而細口少者悉合戍非疑也

南齊書柳世隆傳

昨夜得北使啟鍾離間賊已渡淮旣審送死便當制加勦撲卿好參候之有急令諸小戍邊鎮不可賊至不覺也賊旣過淮不容爾退散要應有處送死者定攻壽陽吾當遣援軍也

南齊書柳世隆傳

呂安國近在西土斷郢司二境上雜民大佳民殆無驚恐近又令垣豫州斷其州內商得崇祖啟事已行竟近無云云殊稱前代舊意卿視究部中可行此事不若無所擾春便就手也

南齊書柳世隆傳

敕崔文仲 建元三年

北開起義者眾深恐良會不再至卿善獎沛中人若能一時攘袂

當遣一佳將直入也

南齊書崔祖悅傳

敕江謐

建元三年

江謐寒士誠當不得競等華儼然甚有才幹堪爲委遇可遷掌史

部

南齊書江謐傳

敕周盤龍

建元三年

甬城連口賊始復進西道便是無賊卿可率馬步下淮陰就安民

軍鍾離船少政可致衣仗數日糧軍人扶維步下也

南齊書周盤龍傳

與王珍國手敕

卿愛人治國甚副吾意也

梁書王珍國傳遷南譙太守治有能名齊高帝手敕

南齊書高帝紀上有昇明元年問月出屯新亭敕編入江淹集中

敕國內令

國內殊死以下今月十五日昧爽以前一皆原赦鯁寡孤獨不能

自存者賜穀五斛。府州所領亦同蕩然。南齊書高帝紀上昇明三年三月丁巳下令

上表誅黃回 昇明二年四月

黃回出自廝伍，本無信行，仰值泰始，謬被驅馳，階藉風雲，累叨顯位，及沈攸之作逆，事切戎機，臣聞於知人，冀其搏噬，遺統前鋒，竟不接刃，軍至郢城，乘威迫脅，陵掠所加，必先尊貴，武陵王馬器服，咸被虜奪，城內文武，剝剔靡遺，及至還都，縱恣彌甚，先朝御服，猶有二輿，弓劍遺思，尚在車府，回遂啟求，以擬私用，僭侮無厭，罔顧天極，又廣納逋亡，多受切盜，親信此等，並為爪牙，觀其凶狡，憂在不測，惡積擧著，非可含忍，應加勦除，以明國憲，尋其覺狀，寔宜極法，但嘗經將帥，微有塵露，舉疑從輕，事炳前策，請在降滅，特原餘嗣，臣過荷隆寄，言必罄誠，謹陳管穴，式遵宏典，伏願聖明，特垂允鑒，臣思不出位，誠昧甄才，追言既往，伏增慙慙。宋書黃回傳攸做將帥謀應袁粲攻齊王於朝堂事既不果齊王撫之如舊至是以回終為禍亂乃上表誅之

與褚淵袁粲書

下官常人志不及遠。隨運推斥。妄踐非涯。才輕任重。夙宵冰惕。近  
他國危。含氣同奮。況在下官。益吝身命。履冒鋒炭。報効恆理。而襄  
嘉之典。偏見甄沐。貴登端戎。秩加爵土。瞻言霄衛。魂神震墜。下官  
奉上以誠。率性無矯。前後忝荷。未嘗固讓。至若今授特深。惟迫。定  
以銜恩先旨。義兼陵闕。識蔽防萌。宗戚構禍。引誚歸咎。既已覲顏。  
乃復乘災求幸。藉亂取貴。斯實國之恥。非臣子所忍也。且榮不可  
濫。寵不可味。乞蠲中候。請停增邑。庶保止足。輪効淮湄。如使伐匄。  
奴凱歸反。施以此受。爵不復固辭矣。南齊書褚淵傳元徽二年太

兗州增戶邑太祖固讓  
與淵及衛軍袁粲書

與虞玩之書

張華爲度支尚書。事不徒然。今漕藏有闕。吾賢居右丞。已覺金粟  
可積也。南齊書虞玩之傳元徽中爲右丞時太  
祖參政與玩之書又見通典二十二

與江夏內史書

汝既入朝，當須文武兼資，人與汝意合者，委以後事。世隆，其人也。  
南齊書：柳世隆傳，劾延疑憚沈攸之密爲之備。太祖與世隆書。

報沈攸之書

辱足下誚書，交道不終，爲恥已足。欲下便來，何故多固君子。吾結髮入仕，豈期遠大。蓋感子路之言，每不擇官而宦。逮文帝之世，初被聖明鑒賞，及孝武之朝，復蒙英主顧眄。因此感激，未能自反。及與足下斂袂定交，款著分好，何嘗不勸慕古人國士之心。務重前良，忠貞之節。至於契闊杯酒，殷勤攜袖，薦女成姻，志相然諾。義信之篤，誰與聞之。又乃景和陵處，事切憂畏，明帝正位，連同休顯。啟臆論心，安危豈貳。元徽之季，聽高道慶流言，欲相討伐，發威施救，已行內外。于時臣子鉗口，道路以目。吾以分交義重，患難宜均。犯陵白刃，以相任保。悖主手救，今封送相示，豈不畏威，念周旋之義。

耳。推此陰惠，何愧懷抱。不云足下猥含禍誠，前遣王思文所牒朝事。蓋情等家國，共詳衷否。虚心小大，必以先輸問。張雍州遷代之日，將欲誰擬。本是逆論來事，非欲代張。乃封此示張，激使見怒。若張惑一言，果興怨恨，事負雅素。君子所不可爲。況張之奉國，忠亮有本情之見與。意契不貳邪。又張雍州啟事稱彼中蠻動，兼民遭水患，敕令足下思經拯之計。吾亦有白論國如家，布情而往。每思虛達事之相接，恆必猜離。反謂無故遺信，此乃胡察平諒之襟動。則相阻傷負心期，自誰作故。先時足下遣信尋盟，敦舊厲以篤終。吾止附還白申罄情本，契然遠要。方固金石，今日舉錯，定是誰惡。人言邪。元徽末德，執亡禋祀。足下備聞，無待函述。太后惟憂式遵前誥，興毀之略，事屬鄙躬。黜昏樹明，實惟前則。靈宗靜國，何愧前修。廢立有章，足下所允。冠弊之譏，將以何語。封爲郡王，靈爲失禮。景和無名，方之不愈乎。龍逢自匹夫之美，伊霍則社稷之臣。同異

相乘非吾所受也。登齋有賞，壽寂已蒙之於前。同謀獲功，明皇亦行之於昔。此則接踵成事，誰敢異之。謂其大收宮女，劫奪天藏器械，金寶必充私室，必若虛設市虎，亦可不翅此言。若以此詐民天下，豈患無眼。心苟無瑕，非所耿介。甲杖之授，事既舊典，豈見有任鎮邦家，勳經定主，而可得出入輕單，不資寵衛。斯之患慮，豈直身憂，祇奉此恩，職惟事理。朱方之牧，公卿僉意，吾亦謂微勳之次，無忝一州。且魏晉舊事，帝鄉蕃職，何嘗豫州必曹，司州必馬。折膠受柱，在體非愧。袁粲據石頭，足下無不可。吾之守東府，來告便謂非。動容見疾，頻笑入房，乃如是乎。袁粲劉秉，受遇深重，家國旣安，不思撫鎮，遂與足下表裏潛規。據城之夜，豈顧社稷。幸天未長亂，宗廟有靈，卽與褚衛軍協謀義斷，以時殄滅。想足下聞之，悵然孤沮。小兒忝侍中，代來之澤，遇直上臺，便呼一家兩錄，發不擇言。良以太甚。吾之方寸，古列共言，乃以陶庾往賢，大見譏責。足下自省，詎



得以此見貽邪。比蹤夷叔。論吾則可行。過柴蹠。無乃近誣哉。謂吾不朝。此則良誨。朝之與否。想更問之。足下受先帝之恩。施擁戎西州。鼎湖之日。率土載奔。而冥安中流。酣飲自若。卽懷狼望。陵侮皇朝。晉熙殿下。以皇弟代鎮。而斷割侯迎。罔蔑宗子。驅略土馬。悉以西上。郢中所遺。僅餘劣弱。昔徵茅不入。猶動義師。況荊州物產。雍嶠交梁之會。自足下爲牧。薦獻何品。良馬勁卒。彼中不無。良皮美鬪。商賂所聚。前後貢奉。多少何如。唯聞太官時納飲食耳。桂陽之難。坐觀成敗。自以雍容漢南。西伯可擬。賴原卽天世。非望亦消。又招集逋亡。斷邊行侶。治舟試艦。恆以朝廷爲旗的。秣馬按劍。常願天下有風塵爲人臣者。固若是邪。至乃不遵制書。敕下如空。國恩莫行。命令擁隔。詔除郡縣。輒自板代。罷官去職。禁還京師。凶人出境。無不千里尋躡。而反募臺將。來必厚加給賞。太妃遣使市馬。齎寶往蜀。足下悉皆斷折。以爲私財。此皆遠邇共聞。累於視聽。主上

淑明當璧，寘縣同慶。絕域奉贄，萬國通書。而盤桓百日，始有單騎。事存送往，於此可徵。不朝如此，誰應受訥。反以見呵，非所反側。今乃勒兵以闕象館，長戟以指魏闕。不亦爲忠臣孝子之所痛心疾首邪。賢子元珍，獲免虎口。及凌波西邁，吾所發遣。猶推素懷，不畏噉噬。足下尙復滅君臣之紀，況吾布衣之交乎。遂事不諫，既往難咎。今六師西向，爲足下憂之。南齊書張敬兒傳 按周顒傳云：流則此書顒所作，而其大略乃高帝口授也。今故獨入高帝文。

與王廣之書

黃回雖有微勳，而罪過轉不可容。近遂啟請御大小二輿，爲刺史服飾。吾乃不惜爲其啟聞，政恐得輿復求畫輪車。此外罪不可勝數。弟自悉之。今啟依法。南齊書王廣之傳

書

吾今至破垆在路，粗可尋還。遲見卿不遠，願信知卿深意也。南齊書

與崔祖思書

明居士標意可重。吾前旨竟未達邪。小涼欲有講事。卿可至彼。具述吾意。令與慶符俱歸。

不食周粟而食周薇。古猶發議。在今寧得息談邪。聊以爲笑。南齊書明

僧紹傳

與王延之書

韶云卿未嘗有別意。當緣劉家月旦故邪。南齊書王延之傳延之爲江州刺史每飲餉下

都阮籍與朝士同列太祖聞其如此與延之書

嘗劉峻書

承至性毀瘵轉之危慮。深以酸怛。終哀全生。先王明軌。豈有去繼。繼徹溫席。以此悲號。得終其孝性邪。當深願往旨。少自抑憊。南齊書劉

峻傳

報武陵王暉

見汝二十字諸兒作中，最爲優者。但康樂放蕩，作體不辭，有首尾。安仁士衡，深可宗尚。顏延之抑其次也。

南齊書：武陵王暉傳：暉作短句詩，學謝靈運體，以呈

報上

答劉善明

省所獻雜語，竝列聖之明規，眾智之深軌。卿能憲章先範，纂饒情識，忠款既昭，淵誠肅著。當以周旋無忘，聽覽也。

南齊書：劉善明傳：善明上表陳事，又

撰賢聖雜語奏之，託以諷諫。上答。

又答劉善明

具卿忠謹之懷，夫賞罰以懲守宰，飾館以待遐荒，皆古之善政。吾所宜勉，更撰新禮，或非易制。國學之美，已敕公卿宣陽門，今敕停。寡德多闕，思復有聞。

南齊書：劉善明傳：善明又諫起宣陽門表，陳宜明守宰賞罰立學校制，齊禮廣罰資館以

振鄰國，上又答。

答蕭景先

風俗淪敗二十餘年以吾當之豈得頓埽幸得數載盡力救蒼生者必有功於萬物也治天下者雖聖人猶須良佐汝等各各自竭不憂不治也

柳上德化之美上答之

答楊公則啟經略之宜

建元三年

文弘罪不可恕事中政應且加恩耳卿若能壘破白水必加厚賞

南齊書氏羌傳晉壽太守敗經略之宜上答

答褚淵

建元中

公所道賊榮緒吾甚志之其有史翰欲令入天祿甚佳

南齊書賊榮緒傳

卽位告天文

皇帝臣道成敢用玄牡昭告皇皇后帝宋帝陟鑒乾序欽若明命以命於道成夫肇自生民樹以司牧所以闡極則天開元創物肆茲大道天下惟公命不干常昔在虞夏受終上代粵自漢魏揖讓

中葉咸炳諸典。謨載在方冊。水德既微。仍世多故。寔賴道成。匡拯之功。以弘濟於厥艱。大造顛墜。再構區宇。宣禮明刑。締仁緝義。曷維凝象。川岳表靈。誕惟天人。罔弗和會。乃仰協歸。運景屬與能用。集大命於茲。辭德匪嗣。至於累仍。而羣公卿士。庶尹御事。爰及黎獻。至於百我。僉曰。皇天眷命。不可以固違。人神無託。不可以曠主。以天之恩。敢不祇從。鴻厯敬簡。元辰虔奉。皇符升壇。受禪告類。上帝以永答民衷。式敷萬國。惟明靈是饗。

南齊書高帝紀  
下又見南史四

賜進士出身二品銜廣東等處提刑按察使司按察使兼管驛傳事務黃岡王毓藻校刊

全齊文卷二終

全齊文卷二

烏程嚴可均校輯

武帝一

帝諱頤，字宣遠，小名龍兒，高帝長子。初爲尋陽國侍郎，辟州西曹書佐，出爲贛令。泰始中，徵爲尚書庫部郎，征北中兵參軍，封西陽縣子，帶南東莞太守，越騎校尉，正員郎，撫軍長史，襄陽太守，轉盜朔將軍，廣興相，元徽中，轉司徒右長史，黃門郎，出爲鎮西長史，江夏內史，行郢州事。昇明初，爲左衛將軍，轉散騎常侍，征虜將軍，江州刺史，封聞喜縣侯，徵侍中，領軍將軍，轉散騎常侍，尚書僕射，中軍大將軍，開府，儀同三司，進爵爲公。齊國建，爲齊公世子，加侍中，南豫州刺史，進爵王太子。高帝受禪，爲皇太子，以建元四年三月卽位，明年改元永明，在位十一年，諡曰武皇帝，廟號世祖。



下内外官詔

建元四年三月

喪禮雖有定制先旨每存簡約内官可三日一還臨外官間一日

還臨後有大喪皆如之

南齊書武帝紀

原城直詔

建元四年三月

城直之制歷代宜同頃歲逋弛遂以萬計雖在憲宜懲而原心可

亮積年逋城可悉原蕩自茲以後申明舊科有違糾裁

南齊書武帝紀

賑卹貧民詔

比歲未稔貧窮不少京師二岸多離其弊遣中書舍人優量賑卹

南齊書武帝紀

賑卹災民詔

建元四年五月

頃水雨頻降潮流荐溢二岸居民多所淹漬遣中書舍人甄兩縣

官長優量賑卹

南齊書武帝紀

訊獄蠲租詔

建元四年六月

水潦爲患，星緯乖序，京都囚繫可勉，日訊汝諸遠，獄安刺史以時  
察判，建康秣陵二縣貧民，加賑賜，必令周悉，吳興義興遭水，縣綱

除租調

南齊書  
武帝紀

恤垣康詔

建元四年七月

康昔預南勲，義兼常懷，倍深惻愴，凶事所須，厚加料理

南齊書  
垣康傳

司徒褚淵筮下詔

建元四年八月

司徒奄至薨逝，痛怛慟懷，比雖厄瘵，便力出臨，哭給東園祕器，朝

服一具，衣一襲，錢二十萬，布二百疋，蠟二百斤

南齊書  
褚淵傳

贈諡褚淵詔

建元四年八月

夫褒德所以紀民，愼終所以歸厚，前王習祖盛典，咸必由之，故侍  
中司徒錄尚書事，新除司空領驃騎將軍，南康公淵履道秉哲，鑒  
識弘曠，爰初弱齡，清風夙舉，登庸應務，具瞻允集，孝友著於家邦，  
忠貞彰於亮采，佐命先朝，經綸王化，契闕屯夷，綳繆終始，摠錄機

衡四門惟穆諒以向規往古式範來今謙光彌遠屢陳降挹權從  
向旨用虧大猷將登上列永翼聲教天不憖遺奄焉薨逝朕用震  
慟於厥心其贈公太宰侍中錄尚書公如故給節加羽葆鼓吹增  
班劍爲六十人葬送之禮悉依宋太保王弘故事諡曰文簡

南齊書

傳

又詔

淵妻宋故巴西公主埏隧暫啟宜贈南康郡公夫人

同上

宣旨緣淮戍將臨會詔

建元四年九月

緣淮戍將久處邊勞三元行始宜沾恩慶可遣中書舍人宣旨臨

會後每歲皆如之

南齊書武帝紀  
又見南史四

追恤宋建平王景素詔

初卽位

宋建平王劉景素名父之子少敦清尚雖末路失圖而原心有本  
年流運改宜弘優澤可聽以王禮還葬舊墓

宋書建平王宏傳  
又略見南史十四

優獎守宰詔

永明元年正月

經邦之寄寔資蒞民守宰祿俸蓋有恆準往以邊戍告警故沿時損益今區寓窳屐庶績咸熙念勤簡能宜加優獎郡縣丞尉可還

田秩

南齊書武帝紀

又見南史四

甄黜守宰詔

永明元年三月

宋德將季風軌陵遲列宰庶邦彌失其序遷謝逆速公私凋弊秦運初基草昧惟始思述先範永隆治根蒞民之職一以小滿爲限其有隆績剋臬厚加甄異理務無庸隨時代黜

南齊書武帝紀

申辛亥赦恩詔

朕自丁荼毒奄便周忌瞻言負荷若墜淵壑而遠圖尙蔽政刑未理星緯失序陰陽愆度思播先澤兼酬天肯可申辛亥赦恩五十日以期訖爲始京師囚繫悉皆原宥三署軍徒優量降遣都邑饑

寡尤貧詳加賑卹

南齊書武帝紀

又詔

四方見囚罪無輕重及劫賊餘口長徒救贖悉原赦逋負督贓建

元四年三月以前皆特除

南齊書武帝紀

改葬袁粲等詔 永明元年四月

昔魏矜袁紹恩給巨墳晉亮兩王榮覃餘裔斯蓋懷舊流仁原心

與荷二代弘義前載美談袁粲劉秉竝與先朝同獎宋室沈攸之

於景和之世特有乃心雖末節不終而始誠可錄歲月彌往宜沾

優隆粲秉前年改葬塋兆未脩材官可爲經略粗合周禮

南齊書作材梓

可爲經理令

攸之及其諸子喪柩在西可符荊州以時致送還反

舊墓在所營葬事

宋書袁粲傳南齊書武帝紀又略見南史二十六

誅垣崇祖詔 永明元年四月

垣崇祖凶詭險躁少無行業昔因軍國多虞採其一夫之用大逆

光啟頻煩升擢溪壑靡厭浸以彌廣去歲在西連謀境外無君之

心已彰遐邇特加遵養庶或後革而猜貳滋甚志興亂階隨與荀伯玉驅合不逞窺窬非覬構扇邊荒互爲表裏靈朔將軍孫景宣究悉姦計具以啟聞除惡務本刑茲罔赦便可收掩肅明憲辟

書垣崇

祖傳

誅張敬兒詔 永明元年五月

敬兒蠢茲邊裔昏迷不脩屬值宋季多難頗獲野戰之力拔迹行伍超登非分而愚躁無已矜伐滋深往蒞本州久包異志在昔含弘庶能懲革位班三槐秩窮五等懷音靡聞姦回屢構去歲迄今嫌貳滋甚鍾東將軍敬則丹陽尹安民每侍接之日陳其凶狡必圖反噬朕猶謂恩義所感本質可移頃者已來疊屢遂著自以子弟在西足動殊俗招扇羣蠻規擾樊夏假託妖巫用相震惑妄設徵祥潛圖問鼎履霜於開運之辰堅冰於嗣業之世此而可忍孰不可容天道禍淫逆謀顯露建康民湯天獲商行人蠻備觀姦計

信驛書翰證驗炳明便可收掩式正刑辟同黨所及特皆原有

南齊

書張敬

兒傳

報薛淵詔 永明元年

遠隔殊方聲問難審淵憂迫之深固辭朝列昔東關舊典猶通婚

宦况母出行差音息時至依附前例不容申許便可斷表述還章

服南齊書謝薛淵傳

罪謝超宗詔 永明元年

超宗疊同大逆罪不容誅象匪情欺國愛朋罔主事合極法特原

收治免官如案禁錮十年

南齊書超宗傳

封茹法亮詔 永明元年

茹法亮近在益城頻使銜命內宣朝旨外慰二軍義勇齊奮人百

其氣險阻艱難心力俱盡宜沾茅土以甄忠績封望蔡縣男食邑

三百戶

南齊書茹法亮傳

青溪宮落成小會詔 永明二年七月

夫樂所自生先哲垂誥禮不忘本積代同風是以漢光遲回於南陽魏文殷勤於譙國青溪宮體天含暉則地洒寶光定靈源允集符命在昔期運初開經綸方遠繕築之勞我則未暇時流事往永惟哽咽朕以寡薄嗣奉鴻基思存締構式表王迹考星創制揆日與功子來告畢規摹昭備宜申繁落之禮以暢感尉之懷可克日

小會

南齊書武帝紀

加恩京師二縣詔 永明二年八月

芝枯掩骼義重前誥卹老哀癯寔惟令典朕永思民瘼弗忘鑿寐聲慄未敷物多乖所京師二縣或有久墳毀發可隨宜掩埋遺骸木槨並加斂瘞疾病窮困不能自存者詳爲條格並加沾賚

南齊書

紀帝

增封豫章王疑詔 永明二年



漢之梁孝寵異列蕃晉之文獻秩殊恆序況乃地侔刑准勳兼往  
式雖天倫有本而因事增情宜廣田邑用申恩禮增封爲四千戶

南齊書豫章王焜傳

詔報扶南國王 永明二年

具摩醯降靈流施彼土雖殊俗異化遙深欣讚知鳩酬羅於彼肯  
叛竊據林邑聚凶肆掠殊宜翦討彼雖介遠旼舊修蕃貢自宋季  
多難海譯致壅皇化惟新習迷未革朕方以文德來遠人未欲便  
興干戈王旣款列忠到遠請軍威今詔交部隨宜應接伐叛柔服  
實惟國典勲立殊效以副所期那伽仙屢銜邊譯頗悉中土闊狹  
令其具宣上報以絳紫地黃碧綠紋綾各五匹

南齊書扶南國傳

興學詔 永明三年正月

春秋國語云生民之有學教猶樹木之有枝葉果行育德咸必由  
茲在昔開運光宅華夏方弘典謨克隆教思命彼有司崇建庠孰

甫就經始仍離屯故仰瞻徽猷歲月彌遠今遐邇一體車軌同文  
宜高選學官廣延胄子

南齊書  
武帝紀

考課詔

守宰親民之要刺史案部所先宜嚴課農桑相土揆時必窮地利  
若耕蠶殊眾足厲浮墮者所在卽便列奏其違方驕於佚事妨農  
亦以名聞將明賞罰以勸勤怠校殿殿最歲竟考課以申黜陟

南齊書  
武帝紀

荅豫章王嶷求解大傅詔

永明三年

公惟德惟行無所厝辭且魯且衛其誰與二方式範當時流聲史  
籍豈容屢秉撝謙以乖期寄

南齊書  
豫章王嶷傳

蠲孤獨田租詔

永明三年五月

氓俗凋弊于茲永久雖年穀時登而歉乏比室凡單丁之身及勞  
獨而秩養養孤者並蠲今年田租

南齊書  
武帝紀

下梁彌頡詔永明三年八月

行宕昌王梁彌頡忠款內附著績西服宜加爵命式隆蕃屏可使

持節督河涼二州諸軍事安西將軍東羌校尉河涼二州刺史隴

西公宕昌王南齊書  
氏羌傳

皇太子釋奠詔永明三年十月

皇太子長懋講畢當釋奠王公以下悉往觀禮南齊書  
武帝紀

耕藉詔永明三年十二月

九穀之重八材爲末是故粢粢豐盛祝史無愧於繇不藉千畝周

宣所以貽諫昔期運初啟庶政草昧三推之典我則未暇朕嗣奉

鴻基思隆先軌載耒躬親率由舊式可以開春發歲敬簡元辰鳴

青鸞於東郊冕朱紘而若事仰薦宗禋俯賜黔阜將使園廄內充

遺秉外物既富而教茲焉攸往南齊書  
武帝紀

進河南王易度侯爲車騎大將軍詔永明三年

易度侯守職西蕃，綏懷允緝，忠績兼舉，朕有嘉焉，可進號車騎大

將軍

南齊書河  
南氏羌傳

耕籍恩詔 永明四年閏正月

夫耕籍所以表敬，視戒所以率民，朕景行前規，躬執良耜，千畝咸  
事，六稔可期，教義克宣，誠感兼暢，重以天符靈貺，歲月鱗萃，寶鼎  
開玉匣之祥，嘉禾發同穗之穎，甘露凝暉於坳牧，神爵爲翥於蘭  
圃，斯乃宗稷之慶，豈寡薄所臻，思俾休和，覃茲黔阜，見刑罪殊死  
以下，悉原宥，諸逋負在三年以前，尤窮弊者，一皆蠲除，孝悌力田，  
詳授爵位，孤老貧窮，賜穀十石，凡欲附農而糧種闕乏者，並加給  
貸，務在優厚，南齊書  
武帝紀

車駕幸宣武堂講武詔 永明四年閏月

今親閱六師，少長有禮，領馭羣帥，可量班賜，南齊書  
武帝紀

定戶租錢布詔 永明四年五月

揚南徐二州今年戶租三分二取見布一分取錢來歲以後遠近諸州輸錢處並減布直匹准四百依舊折半以爲永制

南齊書武帝紀

沈冲卒下詔永明四年

冲喪柩至止惻愴良深以其昔在南蕃特兼閔悼

南齊書沈冲傳

贈諡沈冲詔

冲貞詳閑理志局淹正誠著蕃朝績彰出守不幸早世朕甚悼之

追贈太常諡曰恭子

南齊書沈冲傳

贈諡李安民詔永明四年

安民厯位內外庸績顯著忠亮之誠每簡朕心敷政近畿方申任

寄奄至殞喪痛傷於懷贈鎮東將軍鼓吹一部常侍太守如故諡

曰肅侯

南齊書李安民傳

下楊集始等詔永明四年

後起奄至殞逝惻愴予懷緩御靈服宜詳其選行輔國將軍北秦

州刺史武都王楊集始、韓局、沈亮，乃心忠款，必能紉境密民，宣揚聲教，可持節輔國將軍、北秦州刺史、平羌校尉、武都王。後起弟，後明爲龍驤將軍、白水太守。集始弟集朗爲監朔將軍。南齊書 氏光傳

賜孤貧糧餼詔

永明五年正月

朕昧爽丕顯，思康民瘼。雖年穀亟登，而飢饉代有。今履端肇運，陽和告始。宜協時休，覃諸黎庶。諸孤老貧病，並賜糧餼。遣使親賦，每存均普。南齊書 武帝紀

遣蕭景先討蠻詔

永明五年正月

得雍州刺史張瓌啟事，蠻虜相扇，容或侵軼。蜂螫有毒，宜時剿蕩。可遣征虜將軍丹陽尹景先總率步騎，直指義陽，可假節司州諸軍，皆受節度。南齊書蕭景先傳

賑賜京師二縣災民詔

永明五年六月

比霖雨過度，水潦洧溢。京師居民多離其弊，遣中書舍人二縣官

長隨宜賑賜

南齊書  
武帝紀

停丹陽屬縣逋租詔

永明五年七月

丹陽屬縣建元四年以來至永明三年所逋田租殊爲不少京甸之內宜加優貸其非中費者可悉原停

南齊書  
武帝紀

蠲吳興義興租調詔

八月

今夏雨水吳興義興二郡田農多傷詳蠲租調

南齊書  
武帝紀

幸尚飭館詔

九月

九日出尚飭館登高宴羣臣

南齊書  
武帝紀

和市詔

九月

善爲國者使民無傷而農益勸是以十一而稅周道克隆開建常平漢載惟穆借賦絲枲浮汶來貢杞梓皮革必緣楚往自水德將謝喪亂彌多師旅歲興饑饉代有貧室盡於課調泉貝傾於絕域軍國器用動資四表不因厥產咸用九賦雖有交貿之名而無潤

私之實。民咨塗炭。是此之由。昔在開運。屋紀未周。餘弊尙重。農桑不殷於曩日。粟帛輕賤於當年。工商罕兼金之儲。匹夫多飢寒之患。良由圖法久廢。上幣稍寡。所謂民失其資。能無匱乎。凡下貧之家。可蠲三調二年。京師及四方出錢億萬。糴米穀絲綿之屬。其和價以優黔首。遠邦嘗市雜物。非土俗所產者。皆悉停之。必是歲賦攸宜。都邑所乏。可見直和市。勿使逋刻。南齊書武帝紀

蕭景先卒下詔

永明五年

西信適至。景先奄至。喪逝。悲懷切割。不自勝任。今便舉哀。賻錢十萬布二百疋。南齊書蕭景先傳

贈蕭景先詔

永明五年

故假節征虜將軍丹陽尹新吳侯景先。器懷開亮。幹局通敏。綢繆少長。義兼勳威。誠著夷險。績茂所司。方升寵榮。用申任寄。奄至喪逝。悲痛良深。可贈侍中。征北將軍。南徐州刺史。給鼓吹一部。假節。



侯如故諡曰忠侯

南齊書蕭景先傳

昭蕭徽明詔

永明五年

龍驤將軍安西中兵參軍松滋令蕭徽明愛敬敦深色養盡禮喪過乎哀遂致毀滅雖未達聖教而一至可敬宜加榮命以矜善人

可贈中書郎

南齊書蕭徽明傳

委太子親決獄詔

永明六年正月

獄訟之重政化所先太子立年作貳宜時詳覽此訊事委以親決

南齊書文惠太子傳

原北邊逋租詔

永明六年閏十月

北兗北徐豫司青冀八州邊接疆場民多懸磬原永明以前所逋

租調

南齊書武帝紀

報梁彌承詔

永明六年

知須軍儀等九種並非所愛但軍器種甚多致之未易內伎不堪

涉遠秘閣圖書例不外出五經集注論今特敕賜王各一部

南齊書

美傳宕昌王使求軍

儀及碟技請詔

南齊書

原雍州逋租詔永明七年正月

雍州頻歲戎役兼水旱爲災原四年以前逋租

南齊書

蠲郵貧民詔

春頒秋斂萬邦所以惟懷柔遠能邇兆民所以允殖鄭渾宰邑因姓立名王濬剖符戶口殷盛今產子不育雖柄常禁比閭所在猶或有之誠復禮以貧殺抑亦情由俗淡宜節以嚴威敦以惠澤土者尋舊制詳量附定蠲郵之宜務存優厚

南齊書

增俸詔

諸大夫年秩隆重祿食殊渥豈所謂下車惟舊趨橋敬老可增俸

詳給見役

南齊書

量給孔子祭秩詔

永明七年二月

宣尼誕敷文德峻極自天發輝七代陶鈞萬品英風獨舉素王誰  
匹功隱於當年道深於日月感麟厭世緬邈千祀川竭谷虛邱夷  
淵塞非但洙泗湮淪至乃饗嘗之主前王敬仰崇脩寢廟歲月亟  
流鞠爲茂草今學毀興立實稟洪規撫事懷人彌增欽屬可改築  
宗祊務在爽塏量給祭秩禮同諸侯奉聖之爵以時紹繼南齊書武帝紀  
定婚禮詔永明七年四月

婚禮下達人倫攸始周官設媒氏之職國風興及時之詠四爵內  
陳義不期侈三鼎外列事豈存奢晚俗浮麗厯茲永久每思懲革  
而民未知禁乃問同牢之費華泰尤甚膳羞方丈有過王侯富者  
扇其驕風貧者恥躬不逮或以供帳未具動致推遷年不再來盛  
時忽往宜爲節文頌之士庶並可擬則公朝方樛供設合昏之禮  
無虧寧儉之義斯在如故有違繩之以法南齊書武帝紀

贈諡王儉詔

永明七年五月

慎終追遠、列代通規、哀德紀勳、彌峻恆策、故侍中中書令太子少  
傅領國子祭酒衛軍將軍開府儀同三司南昌公儉、體道秉哲、風  
宇淵曠、肇自弱齡、清猷自遠、登朝應務、民望斯屬、草昧皇基、協降  
鼎祚、宏謨盛烈、載銘彝篆、及贊朕躬、徽績光茂、忠圖令範、造次必  
彰、四門允穆、百揆時序、宗臣之重、情寄兼常、方正位論道、永釐袞  
職、弼茲景化、以贊隆平、天不憖遺、奄焉薨逝、朕用震慟於厥心、可  
追贈太尉侍中中書監公如故、給節加羽葆鼓吹、增班劍為六十  
人、葬禮依故太宰文簡公褚淵故事、冢墓材官營辦、諡文憲公、南齊書王儉傳

吉凶條制詔 永明七年十月

三季澆浮、舊章陵替、吉凶奢靡、動違矩則、或裂錦織、以競車服之  
飾、塗金鏤石、以窮坐域之麗、至班白不婚、露棺累葉、苟相媵衿、因  
顧大典、可明爲條制、嚴勒所在、悉使盡一、如復違犯、依事糾奏、南齊書

書武  
帝紀

賜進士出身二品銜廣東等處提刑按察使司按察使兼管驛傳事務黃岡王毓藻校刊

全齊文卷三終

全齊文卷四

烏程嚴可均校輯

武帝

大赦詔 永明八年七月

陰陽舛和，緯象愆度，儲胎嬰患，淹厯旬晷，思仰禋天戒，俯紓民瘼。

可大赦天下。

南齊書  
武帝紀

原司雍，逋租詔 永明八年七月

司雍二州，比歲不稔，雍州八年以前，司州七年以前，逋租悉原，汝

南一郡，復限更申五年。

南齊書  
武帝紀

賑卹京邑詔 永明八年八月

京邑霖雨，既過，居民汎濫，遣中書舍人二縣官長賑卹。

南齊書  
武帝紀

賑賜吳興詔 永明八年十月

吳興水淹過度，開所在倉賑賜。

南齊書  
武帝紀

量增尙書郎賜祿詔

永明八年十二月

尙書丞郎職事繁劇卹俸未優可量增賜祿

南齊書武帝紀

黃籍限斷詔

永明八年

夫簡貴賤辨尊卑者莫不取信於黃籍豈有假器濫榮竊服非分故所以澄革虛妄式允舊章然毀起前代過非近失既往之愆不足追咎自宋昇明以前皆聽復往其有謫役邊疆各許還本此後有犯嚴加翦治

南齊書虞玩之傳又見通典三

太廟時薦詔

永明九年正月

太廟四時祭薦宣皇帝麩起餅鴨臠孝皇后筍鴨卵脯醬炙白肉高皇帝薦肉膾菹羹昭皇后茗柶炙魚皆所嗜也

南齊書禮志十一又見南史十一

通典四

十九

贈謚柳世隆詔

永明九年

故侍中左光祿大夫白陽公世隆秉德居業才兼經緯少播清徽

長弘美譽入參內禁出贊西牧專寄郢郊剋挫巨猾超越前勳功  
著一代及總任方州民頌寬德翼教崇闡朝稱元正忠謀嘉猷簡  
於朕心雅志素履邈不可踰將登鉉味用燮鴻化奄至薨殞震慟  
良深贈司空班劍三十人鼓吹一部侍中如故諡曰忠武

南齊書  
柳世隆

傳  
賻諡戴僧靜詔永明九年

僧靜志懷貞果誠著艱難剋殄西虜勳彰運始奄至殞喪惻愴傷

懷賻錢五萬布百匹諡壯侯

南齊書戴  
僧靜傳

以范當根純爲林邑王詔永明九年

林邑蠢爾介在遐外世服王化當根純乃誠款懼到率其僚職遠  
績克宣良有可嘉宜沾爵號以弘休澤可持節都督緣海諸軍事

安南將軍林邑王

南齊書  
南夷傳

原責逋增祿俸詔永明十年正月



諸責負眾逋七年以前悉原除高貲不在例孤老六疾人穀五斛

內外有務眾官增祿俸

南齊書武帝紀

豫章王疑薨下詔永明十年四月

疑明哲至親勳高業始德懋王朝道光區縣奄至薨逝痛酷抽割不能自勝奈何奈何今便臨哭九命之禮宜備其制斂以衾冕之

服溫明祕器命服一具衣一襲喪事一依漢東平王故事大鴻臚

持節護喪事大官朝夕送奠大司馬太傅二府文武悉停過葬

南齊

書豫章王疑傳

贈豫章王疑詔永明十年

寵章所以表德禮秩所以紀功慎終追遠前王之盛策累行疇庸

列代之通誥故使持節都督揚徐二州諸軍事大司馬領太子太

傅揚州刺史新除中書監豫章王疑體道秉哲經仁緯義挺清譽

於弱齡發韶風於早日締論霸業之初翼讚皇基之始孝睦著於

鄉閭忠諒彰乎邦邑及秉德論道總收神甸七教必荷六府咸理  
振風潤雨無譽於時候郵民拯物有篤於矜懷雍容廊廟之華儀  
形列郡之觀神凝自遠具瞻允集朕友于之深情兼家國方授以  
神圖委諸廟勝緝頌九絃陪禪五岳天不憖遺奄焉薨逝哀痛傷  
惜震慟乎厥心今先遠戒期龜謀襲吉宜加茂典以協徽猷可贈  
假黃鉞都督中外諸軍事丞相揚州牧綠綬綬具九服錫命之禮  
侍中大司馬太傅王如故給九旒鸞輅黃屋左纛虎賁班劍百人  
輜輶車前後部羽葆鼓吹葬送儀依東平王故事

南齊書豫章王嶷傳

賑賜京邑詔

永明十年十一月

頃者霖雨樵糧稍貴京邑居民多離其弊遣中書舍人二縣官長

賑賜

齊書武帝紀

資遣魏俘詔

永明十年

昔虞帝欽明苗山記倒戈之陣夏君踵武鈞臺載不戰之兵今鋒

鎬陵邊形雲入候加計而後擒待征而知服此乃朕之涼德彼將何德徒哀其積習爲性因染遂變不識天時用于人事雖同濱率境自隔王臣直曰斯民獨爲係虜父母生乖妻兒則桑梓悠悠墻壁萬里情甚悲之可解網改祝聽歸巢穴豈直鄰好足鄙特以哀矜自中以時資遣稱朕意焉

文苑英華六百五十淮陰太守移魏淮陽太守文引詔

配享太祖廟詔

永明十年

故太宰褚淵故太尉王儉故司空柳世隆故驃騎大將軍王敬則

故鎮東大將軍陳顯達故鎮東將軍李安民六人配享太祖廟庭

南齊書禮志上按王敬則死於永泰元年陳顯達死於永元元年今此詔爲永明十年必有誤也蔣目疑兩故字後人妄增此

乃未死而

預定配享

斬王奐下詔永明十一年三月

逆賊王奐險詖之性自少及長外飾廉勤內懷凶慝貽戾鄉伍敢乘衣冠披其文筆之川擢以顯任出牧樊阿政刑弛亂第三息彪

矯弄威權父子均勢故靈蠻長史劉興祖忠於奉國每事匡執興  
忿其異己誣以誦謗肆怒囚錄然後奏問朕察興恩詐詔送興祖  
還都乃懼茲謀發露潛加殺害欺罔既彰中使辯覈遂援兵登陴  
逆捍王命天威電掃義夫咸奮曾未浹辰罪人斯獲方隅克殄漢  
南肅清自非犯官兼預同逆謀爲一時所驅逼者悉無所問南齊書

興傳

原長沙王妃詔永明十一年

興自陷逆節長沙王妃男女竝長且興又出繼前代或當有准可

特不離絕

南齊書王興傳興弟仙女爲長沙王妃世祖詔

恤災詔永明十一年五月

水旱成災穀稼傷弊凡三調眾通可同申至秋登京師二縣朱方

姑熟可權斷酒

南齊書武帝紀

又詔七月

頃風水爲災，二岸居民多離其患，加以貧病六疾，孤老稚弱，彌足

矜念，遣中書舍人履行沾卹。

南齊書武帝紀

水旱爲災，實傷農稼，江淮之間，倉廩旣虛，遂草竊充斥，互相侵奪，  
依阻山湖，或此逋逃，曲赦南兗，充豫司徐五州，南豫州之歷陽，誰  
臨江廬江四郡，三調衆逋宿債，並同原除，其緣淮及青冀新附僑  
民，復除已訖，更申五年。

南齊書武帝紀

大漸下詔，永明十一年七月

始終大期，賢聖不免，吾行年六十，亦復何恨，但皇業艱難，萬機自  
重，不無遺慮耳。太孫進德日茂，社稷有寄，子良善相毗輔，思弘治  
道，內外眾事無大小，悉與鸞參懷，共下意，尙書是職務根本，悉委  
王晏，徐孝嗣軍旅捍邊之略，委王敬則，陳顯達王廣之，王玄邈沈  
文季，張瓌薛淵等百辟庶僚，各奉爾職，謹事太孫，勿有懈怠，知復

何言。

南齊書武帝紀又南史四

又謂

我識滅之後，身上著夏衣，盡天衣，純烏，屣，導，應，諸器服悉不得用。寶物及織成等，唯裝複袂衣各一通，常所服身刀長短二口，鐵環者，隨我入梓宮，祭敬之典，本在囚心，東鄰殺牛，不如西家哈祭，我靈上慎勿以牲爲祭，唯設餅茶飲干飯酒脯而已。天下貴賤，咸同此制。未山陵前，朔望設菜食，陵墓萬世所宅，意嘗恨休安陵未稱。今可用東三處地，最東邊以葬我，名爲景安陵，喪禮每存省約，不須煩民，百官停六時入臨，朔望祖日可依舊。諸王六宮，並不須從。山陵內殿，鳳華壽昌耀靈三處，是吾所治制。夫貴有天下，富兼四海，宴處寢息，不容乃陋，謂此爲奢儉之中，慎勿壞去。顯陽殿玉像諸佛，及供養具，如別牒，可盡心禮拜供養之，應有功德事，可專在中。自今公私，皆不得出家爲道，及起立塔寺，以宅爲精舍，並嚴斷之。唯年六十，必有道心，聽朝賢選序，已有別詔。諸小小賜乞及閣。

內處分亦有別牒。內外禁衛勞舊。主帥左右。悉付蕭詵優量驅使。之勿負吾遺意也。南齊書武帝紀又南史四

臨崩又詔

凡諸遊費。宜從休息。自今遠近薦獻。務存節儉。不得出界營求。相高奢麗。金粟縑繡。弊民已多。珠玉玩好。傷工尤重。嚴加禁絕。不得

有違準繩。南齊書武帝紀

敕虞棕賜謝超宗死。永明元年

謝超宗介於彼。賜自盡。勿傷其形骸。南齊書謝超宗傳超宗徙越州行至豫章上表豫章內史

皮

敕廬陵王子卿

吾前後有敕。非復一兩。過道諸王。不得作乖體格服飾。汝何意都不憶。吾敕。忽作瑠瑠乘具。何意已成。不須壞。可速送下。純銀乘具。乃復可爾。何以作鎗。亦是銀。可卽壞之。忽用金薄裏箭。何意

亦速壞去。凡諸服章自今不啟。吾知復專。輒作者。後有所聞。當復

得痛杖。

南齊書盧陵王子卿傳

汝比在都讀書不就。年轉成長。吾日冀汝美。勿得救如風過耳。使

吾失氣。

同上

敕謝朓還都

侍讀虞雲。自宜恆應侍接。朓可還都。

南齊書謝朓傳

敕徒劉祥

永明中

卿素無行檢。朝野所悉。輕奔骨肉。侮蔑兄嫂。此是卿家行不足。乃無關他人。卿才識所知。蓋何足論。位涉清途。於分非屈。何意輕肆口噉。詆目朝士。造席立言。必以貶裁爲口實。冀卿年齒已大。能自感厲。日望峻革。如此所聞。轉更增甚。誼議朝廷。不避尊賤。肆口極辭。彰暴物聽。近見卿影連珠。寄意悖慢。彌不可長。卿不見謝超宗。其才地二三。故在卿前。事殆是百分不一。我當原卿性命。令卿萬



里思儻卿若能改革當令卿得還

南齊書劉祥傳

敕呂安國 永明四年

吾恆憂卿疾病應有所須勿致難也

南齊書呂安國傳

敕王晏 永明中

慈在職未久既有微疾不堪朝又不能騎馬聽乘車在仗後

南齊書王晏傳

慈傳

敕茹法亮 永明六年

吾見呂安國疾狀自不宜勞且卿中既恆惡扶人至吾前於禮望

殊成有虧吾雖赦之其人甚諱病卿可作私意向其若好差不復

須扶人依例入幸勿牽勉

南齊書呂安國傳

又敕

可問蕭惠休吾先使卿宣制答其勿以私祿足充獻奉今段殊覺

其下情厚於前後人聞之故當不復私殖吾欲分受之也

南齊書蕭惠休傳

傳弟惠休永明四年爲臨川刺史罷  
任獻奉領資上報中書舍人茹法亮

救巨寇先子雄

永明八年

卿父受使河南秉忠守死不辱王命我甚賞惜喪屍絕域不可復

尋於卿後宮塗無効甚有高比

南齊書河南成羌傳

救曹虎

永明八年

廣陵須心腹非吾意可委者不得處此任

南齊書曹虎傳

救王晏

永明九年

世隆雖抱疾積歲志氣未衰冀醫藥有效痊差可期不謂一旦使  
爲異世痛悼之深此何可言其昔在郢誠心夙愜全保一蕃勳業

克著尋准契闊增泣悲咽卿同在情亦當無己已耶

南齊書郢世隆傳

救晉安王子懋

永明十一年

吾比連得諸處啟所說不異虜必無敢送死理然爲其備不可暫  
懈今秋犬羊輩越逸者其亡滅之徵吾今亦行密纂集須有分明

指。的。便。當。有。大。處。分。今。普。救。鎮。守。並。部。偶。民。丁。有。事。卽。使。應。接。連。  
已。救。更。遣。想。行。有。至。者。汝。共。諸。人。量。寬。可。使。人。數。往。南。陽。舞。陰。諸。  
要。處。參。覘。糧。食。最。爲。根。本。更。不。憂。人。仗。常。行。視。驛。亭。馬。不。可。有。廢。  
闕。并。約。語。諸。州。當。其。界。皆。爾。不。如。法。卽。周。章。

吾。救。荆。鄧。二。鎮。各。作。五。千。人。陣。本。擬。應。接。彼。耳。若。送。死。者。更。卽。呼。  
取。之。已。救。子。真。魚。繼。宗。設。公。愍。至。鎮。可。以。公。愍。爲。城。主。三。千。人。配。  
之。便。足。汝。可。好。以。階。級。在。意。勿。得。人。求。或。超。五。三。階。級。文。章。詩。筆。  
乃。是。佳。事。然。世。務。彌。爲。根。本。可。常。憶。之。汝。所。啟。仗。此。悉。是。吾。左。右。  
御。仗。也。云。何。得。用。之。品。格。不。可。乖。吾。自。當。優。量。寬。送。

知汝常以書讀在心。足爲深欣也。

並南齊書晉安王子懋傳

策命百濟國王牟大

永明八年

於戲。惟。爾。世。襲。忠。勤。誠。著。遐。表。滄。路。肅。澄。要。貢。無。替。式。循。彝。典。用。  
纂。顯。命。往。欽。哉。其。敬。膺。休。業。可。不。慎。歟。制。詔。行。都。督。百。濟。諸。軍。事。

鎮東大將軍百濟王牟大今以大襲祖父牟都爲百濟王卽位章綬等五銅虎竹符四王其拜受不亦休乎南齊書東夷傳

任用沈憲啟

縣豈不可治但用不得其人耳

南齊書沈憲傳武陵王暕爲會稽以憲爲左軍司馬太融以山陰戶

眾難治欲分爲兩世祖版云云乃以憲帶山陰令

與虞棕手書

今因江吏卽有白以君情願意欲相屈

南齊書虞棕傳昇明中世祖爲中軍引棕爲諮議參

軍使吏詔江吏持手書謂棕云云

與玄元度書

努力成臂上之相也

玄元度出學大破之初元度云臂上有封侯

志宋世以示

致沙門法猷書

承遠上無常弟子夜中已自知之遠上此去甚得好處諸佳非一

不復增悲也。一二遲見法師，方可做瑞夢耳。今正爲作功德所須。

可具疏來也。

高僧傳八釋僧遠，姓皇，渤海重合人，居鍾山五十年。永明二年卒於定林寺。武帝致書於獻獻，姓徐，西

海延水人，任定林寺詩僧，僧正。

荅豫章王巖

永明元年

事中恐不得從所陳。

南齊書：豫章王巖，博學，永明元年，巖領太子太傅，手敕上荅。

又荅

永明二年

儀刀捉刀不應省也。俠轂白直，乃可共百四五十以還，正是耳。亦不曾聞人道此。吾自不使諸王無仗，況復汝耶。在私園苑中，乘此非疑，郊外鳴角，及合扇竝拂，先乃有不復施用。此來甚久，凡在鎮自異，還京師，先廣州乃立鼓吹，交部遂有輦事，隨時而改，亦復有可得依舊者。汝若有疑，可與王儉諸人量衷，但令人臣之儀無失便行也。

同上

傳詔臺家人耳，不足涉嫌。郭扇吾識及以來，未見故有敕耳。小兒

奴子本非嫌也。吾有所聞。豈容不敕汝。知令物致議耶。吾已有敕。汝一人不省。狹穀但牽之。吾昨不通仗事。儉已道。吾卽令荅。不煩有此敕。須開言自更一二。同

茹亮今啟汝所懷。及見別紙。汝勞疾亦復。那得不動。何意爲作煩長啟事。凡諸普救此意。可尋。當不關汝一人也。宜有敕事。吾亦必道。頃見汝自更委悉。書不欲多。及屋事慎勿疆厝此意。白澤亦當不解何意爾。同

又荅豫章王嶷 永明四年

欺巧那可容。宋世混亂。以爲是不。蚊蟻何足爲憂。己爲義勇所破。官軍昨至今。都應散滅。吾政恨其不辨大耳。亦何時無亡命邪。同

荅王晏

永明七年

儉年德富盛。志用方隆。豈意暴疾。不展救護。便爲異世。奄忽如此。痛酷彌深。其契闊艱運。義重常懷。言尋悲切。不能自勝。痛矣奈何。

往矣奈何

南齊書王儉傳吏部尚書王晏啟及儉喪上答

又答

敬常啟吾爲其鼻中惡令既以何肩王瑩還門下故有此回換耳

南齊書江敬傳敬轉攝官尚

書顧玠騎將軍王晏啟上答

答王融請給虜書永明中

吾意不異卿今所啟比相見更委悉

南齊書王融傳

賜進士出身二品銜廣東等處提刑按察使司按察使兼管驛傳事務黃岡王毓藻校刊

全齊文卷四終

全齊文卷五

烏程嚴可均校輯

鬱林王

王諱昭業字元尙文惠太子長子小名法身武帝卽位封南郡王太子薨立爲皇太孫以永明十一年七月卽位明年改元隆昌在位一年明帝廢之爲鬱林王見紕

卽位下詔永明十一年八月

朕以寡薄嗣膺寶政對越靈命欽若前圖思所以敬守成規拱揖羣后哀荒在日有憐大猷宜育德振民光昭睿範凡述三調及眾債在今年七月三十日前悉同蠲除其備償封籍貨鬻未售亦皆還主御府諸署池田邸冶興廢沿革本施一時於今無用者詳所罷省公宜權禁一以還民關市征賦務從優減

南齊書鬱林王紀

放遣俘囚詔



近北掠餘口，悉充軍實。刑故無小，罔或攸赦。撫宰興仁，事深睿範。宜從蕩宥，許以自新。可一同放遣，還復民籍。已賞賜者，亦皆爲贖。

南齊書鬱林王紀

### 序用勞人詔

往歲蠻虜協謀，志擾邊服。羣帥授畧，大殲凶醜。革城克捷，及舞陰

固守二處，勞人未有沾爵賞者。可分遣選部，往彼序用。

南齊書鬱林王紀

詔選部。永明十一年九月。

東西二省府國，長屯所積財單祿寡。良以矜懷，選部可甄才品，能

推校年月，邦守邑丞，隨宜量處，以貧爲先。

南齊書鬱林王紀

追崇竟陵王子良詔。隆昌元年四月。

襲崇明德，前王令典。追遠尊親，沿情所隆。故使持節都督揚州諸軍事中書監太傅領司徒揚州刺史竟陵王新除督南徐州。體睿履正，神鑒淵邈。道冠民宗，具瞻允集。肇自弱齡，孝友允備。爰及贊

昇協升景業燦曜台階五教克宣敷奏朝端百揆惟穆寄重先顧  
任均負圖諒以齊暉二南同規往哲方憑保祐永翼雍熙天不憇  
遺奄焉薨逝哀慕抽割震于厥心今龜謀襲吉先遠戒期宜崇嘉  
制式引風烈可追崇假黃鉞侍中都督中外諸軍事太宰領大將  
軍揚州牧綠綬綬備几錫服命之禮使持節中書監王如故給九  
旒鸞輅黃屋左纛輜輶車前後部羽葆鼓吹挽歌二部虎賁班劍  
百人葬禮依晉安平王孚故事

南齊書竟陵王子良傳又見文選齊竟陵王行狀與此小異案南

齊書鬱林王紀有隆昌元年正月詔

文苑英華載有全文以爲沈約作

徵吳苞詔 隆昌元年

處士濮陽吳苞栖志穹谷秉操貞固沈情味古白首彌厲徵太學

博士

南齊書吳苞傳

海陵王

王諱昭文字季尚文惠太子第二子永明四年封臨汝公歷濟

陽太守南豫州刺史鬱林卽位封新安王爲揚州刺史以隆昌元年七月卽位改元延興在位四月爲明帝所廢降封海陵王見弒諡曰恭王

卽位詔 延興元年七月

太祖高皇帝英謀光大受命作齊世祖武皇帝宏猷冠世繼暉下武世宗文皇帝清明懿鑠四海宅心並德漏下泉功昭上象聲教所覃無思不洽洪基式固景祚方融而天步多阻運鍾否剝嗣君昏忍暴戾滋多棄侮天經悖滅人紀朝野重足遐邇側視民怨神恫宗祧如綴賴忠謨肅舉香漢廓清俾三后之業絕而更紐七百之慶危而復安猥以冲人入纂乾緒載懷馭朽若墜諸淵思與黎元共綏戩福南齊書海陵王紀

敘用新安國臣詔

新安國五品以上悉與滿敘自此已下皆聽解遣其欲仕者適其

所樂

南齊書曰海陵王紀

銓用淮關戍將詔

延興元年九月

頃者以淮關係戍勦瘁於行役故草以榮階薄酬厥勞勲狀淹留未集王麻非所以急舍簡之典趣報功之旨便可分遣使部往彼

銓用

南齊書海陵王紀

亟婚嫁停徭役詔

延興元年十月

周設媒官趣及時之制漢務輕徭在休息之典所以布德弘教實俗阜民朕君制八紘志敷九德而習俗之風爲弊未改靜言多愠無忘昏晨督勸婚嫁宜嚴更申明必使禽幣已時標梅息怨正廚諸役舊出州郡徵吏民以應其數公獲二旬私累數朔又廣陵年常遞出千人以助淮戍勞擾爲煩抑亦苞苴是育今並可長停別量所出諸縣使村長路都防城直縣爲劇尤深亦宜禁斷

南齊書海陵王紀

明帝

帝諱鸞，字景栖，小名玄度。始安貞王道生子，仕宋，歷安吉令。遷  
寧朔將軍、淮南宣城二郡太守。齊文惠帝遣侍中封西昌侯，爲冠  
軍將軍、鄧州刺史，進號征虜將軍。武帝卽位，轉度支尚書，遷侍  
中。歷吳興太守、豫州刺史、尚書右僕射、領衛尉，轉左僕射、領右  
衛將軍。遷侍中、尚書令。鬱林王卽位，加鎮軍將軍。進大將軍中  
書監、海陵王卽位，爲驃騎大將軍、錄尚書事、揚州刺史。封宣城  
郡公，加黃鉞，都督中外諸軍事、太傅，封宣城王。以延興元年十  
月卽位，改元二。建武永泰，在位五年。諡曰明皇帝，廟號高宗。  
卽位大赦詔：建武元年十月

皇齊受終，建極握鏡，臨宸神武，重胤欽明，懿鑠七百，攸長盤石，斯  
固。而王度中蹇，天階荐阻，嗣命多違，蕃豐孔棘，宏圖景祚，將墜諸  
淵。宣德皇后遠鑒崇替，靈章舊典，疇咨台揆，允定靈策，用集寶命。

于予一人，猥曰虛薄，繼承大業，仰繫鴻丕，顧臨兆民，水懷先構，若履春冰，寅憂夕惕，罔識攸濟，思與萬國，播此惟新，大赦天下，改元，宿衛身普轉一階，其餘文武賜位二等，通租宿負，換貢官物，在建武元年以前，悉原除劫賊餘口，在臺府者，可悉原放，負毀流徙，並還本鄉。

南齊書  
明帝紀

崇儉詔

自今雕文篆刻，歲時光新，可悉停省，蕃牧守宰，或有薦獻，事非任

土，嚴加禁斷。

南齊書  
明帝紀

停息後洛稅詔

頃守職之吏，多違舊典，存私害公，實興民蠹，今商旅稅石頭後洛，及夫鹵借債，一皆停息，所在凡厥公宜，可卽符斷，主曹詳爲其制。

憲司明加聽察。

南齊書  
明帝紀

銓敘東西二省舊臣詔

日者百司耆齒許以自陳東西二省猶沾微俸辭事私庭榮祿兼

謝興言愛老實有矜懷自縉紳年及可一遵永明七年以前銓敘

之科南齊書明帝紀

斷土貢詔

建武元年十一月

邑宰祿薄俸微不足代耕雖任土恆貢亦爲勞費自今悉斷南齊書明

帝紀

滿敘宣城國臣詔

宣城國五品以上悉與滿敘自此以下皆聽解遣其欲仕適所樂

南齊書明帝紀

送下情詔

建武元年十二月

上覽易遺下情難達是以甘棠見美肺石流詠自月一視黃辭如

有舍枉不申懷直未舉若蒞民之司並任厥失

南齊書明帝紀

手詔王思遠

建武初





獨南徐州三課詔

建武二年三月

南徐州僑舊民丁多充戎旅

獨今年三課

南齊書  
明帝紀

停雍豫等五州稅調詔

雍豫司南充徐五州遇寇之家悉停今年租調其與虜交通不問

往罪

南齊書  
明帝紀

詠蕭謚詔

建武二年六月

蕭謚擢自凡庸識用輕險因藉倖會早預驅馳永明之季曲頒恩紀鬱林昏悖頗立誠効寵靈優渥期遇兼隆內總戎柄外暢蕃威兄弟榮貴震灼朝野曾不感佩殊荷少荅萬一自以勳高伊霍事均難賞才冠當時恥居物後矯制王權與奪由己空懷疑懼坐構嫌猜覘候宮掖希覲非望蔽上罔下之心誣君不臣之跡因以彰暴民聽喧聒遐邇遂潛散金帛招集不逞交結禁衛互爲齟齬密契成邸將肆姦逆朕以其任寄既重曾列河山每加彌縫弘以大

信庶能懷音翻然後改而豺狼其性凶謀滋甚夫無將必戮陽秋

明義沉毀積禍盈若斯之大可收付廷尉速正刑書罪止元惡餘

無所問

南齊書  
蕭鑑傳

贈仇池公楊元秀詔 建武二年七月

仇池公楊元秀氏王苗裔乃心忠勇醜虜凶逼血誠彌厲宣播朝

威招誘戎種萬里齊契響然歸從誠効顯著實有可嘉不幸殞喪

悽愴於懷夫死事加恩陽秋明義宜追覃榮典以弘勸獎贈仇池

公持歸國

南齊書氏羌傳元秀病死  
符勅孫領其眾高宗詔

下氏王楊叡之詔 建武二年七月

氏王楊叡之世纂忠義率厲部曲樹績邊城克殄姦醜復內稟朝

律外撫戎荒款心式昭朕甚嘉之以爲持節督北秦雍二州諸軍

事輔國將軍平羌校尉北秦州刺史仇池公沙州刺史楊吳進號

安西將軍

南齊書氏羌傳氏楊  
叡之聚義眾據仇池

崇儉詔

建武二年十月

軌世去奢，事殷哲后，訓物以儉，理鏡前王。朕屬流弊之末，襲澆淳之季。雖恭己弘化，刻意隆平，而禮讓未興，侈華猶競。永鑒玄風，競言集愧。思所以還淳改俗，反古移民，可罷東田，毀興光樓，並詔水衡量省御乘。

南齊書  
明帝紀

脩晉帝諸陵詔

建武二年十二月

舊國都邑，望之悵然。況乃自經南面，負宸宸居。或功濟當時，德覃一世。而塋壙攢穢，封樹不修。豈直嗟深牧豎，悲甚信陵而已哉。昔中京淪覆，鼎玉東遷。晉元締構，伊始簡文。遺詠在民，而松門夷替。挺路榛蕪，牟代殊往。撫事興懷，晉帝諸陵，悉加修理。並留守衛。吳晉陵二郡失稔之鄉，蠲三調有差。

南齊書  
明帝紀

報江蒨詔

建武二年

敷詒厥之訓，送終以儉。立言歸善，益有嘉傷。可從所請，贈散騎常

侍太常諡曰敬子

南齊書  
江攸傳

詔守長

建武三年正月

申明守長六周之制

南齊書  
明帝紀

副將士死亡詔

去歲索虜寇邊緣邊諸州郡將士有臨陣及疾病死亡者並送還

本土

南齊書  
明帝紀

車府詔

建武三年三月

車府乘輿有金銀飾校者皆剔除

南齊書  
明帝紀

停光新詔

建武三年閏十二月

今歲不須光新可以見錢為百官供給

南齊書  
明帝紀

誅王晏詔

建武四年正月壬寅

晏問閭凡伍少無特操階緣人乏班齒官途世祖在蕃搜揚擢用棄略疵瑕遂升要重而輕跳險銳在貴爛著猜忌反覆觸情多端

故以兩宮所弗容，十手所共指，既內愧於心，外懼憲牘，掩迹陳廡，多歷年載，頻授蕃任，輒辭請不行，事似謙虛，情實詭伏。隆昌以來，運集艱難，匡贊之功，頗有心力，迺爵冠通侯，位登元輔，綱繆恩寄，朝莫均焉。谿壑可盈，無厭將及，視天畫地，遂懷異圖，廣求卜相，取信巫覡，論薦黨附，遍滿臺府，令太息德元，淵數亡命，同惡相濟，劍客成羣，弟誦凶惡，遠相脣齒，信驛往來，密通要契，去歲之初，奉朝鮮于文粲，備告姦謀，朕以信必由中，義無與貳，推誠委任，覲能悛改，而長惡易流，構扇彌大，與北中郎司馬蕭毅、臺隊主劉明達等，尅期竊發，以河東王鉞，識用微弱，可爲其主，得志之日，當守以虛器，明達諸辭，炳然具存，昔漢后以反脣致討，魏臣以舛髮爲戮，況無君之心，旣彰，陵上之迹，斯著，此而可容，誰置刑辟，並可收付廷尉。

肅明國典

南齊書  
丁安傳

興學詔

建武四年正月庚午

嘉役停組定方旨於必甘良玉在攻表瑋璋於既就是呂陶鈞萬品務本爲先經緯九區學教爲大往因時康崇建庠序屯虞荐有權從省廢誦誦寂寥倏移年稔永言古昔無忘旰昃今華夏乂安要荒慕嚮締修東序寔允適時便可式依舊章廣延國胄弘敷景業光被後昆

南齊書  
明帝紀

下謝朓詔

建武四年

夫昭然榮觀風流自遠蹈彼幽人英華罕值故長揖楚相見稱南國高謝漢臣取實良史新除侍中中書令朓早藉羽儀夙標清尚登朝樹績出守馳聲遂斂跡康衢拂衣林池抱箕穎之餘芳甘頽頽而無悶撫事懷人載畱欽想宜加優禮用旌素槩可賜牀帳褥席俸已卿祿常出在所

梁書謝朓傳朓爲吳興太守建武四年詔徵爲侍中中書令抗表不應築室郢之西

報明帝

下詔

報芮芮王求醫工等物詔

建武中

知須醫及織成錦工。指南車漏刻並非所愛。南方治疾與北土不同。織成錦工並女人不堪涉遠。指南車漏刻此雖有其器。工匠久不復存。不副爲悞。

南齊書  
內傳

遣陳顯達北討詔 永泰元年正月

晉氏中微。宋德將謝。蕃臣外叛。要荒內侮。天未悔禍。左衽亂華。巢穴神州。逆移年載。朕嗣膺景業。踵武前王。靜言隆替。思又區夏。但多難甫夷。恩化肇洽。興師擾眾。非政所先。用戡遠圖。權緩北略。冀戎夷知義。懷我好音。而凶醜剽狡。專事侵掠。驅扇異類。蟻聚西偏。乘彼自來之資。撫其天亡之會。軍無再駕。民不重勞。傳檄以定三秦。一麾而臣禹迹。在此舉矣。且中原士庶。久望皇威。乞師請援。結軌馳道。信不可失。時豈終朝。宜分命方嶽。因茲大號。侍中太尉顯達。可暫輟槐陰。指授羣帥。中外纂嚴。

南齊書陳顯達傳

復孔子祭秩詔 永泰元年三月

紫齋書

闕作闕

仲尼明聖在躬，允光上哲，弘厥雅道，大訓生民。師範百王，軌儀千載。立人斯仰，忠孝攸出。立功潛被，至德彌罔。雖反袂遐曠，而桃薦靡關。時祭舊品，秩比諸侯。頃歲旨來，祀典陵替。俎豆寂寥，牲饗莫舉。豈所以克昭盛烈，永降風教者哉！可式循舊典，詳復祭秩，使牢餼備禮，飲饗兼申。

南齊書

罪王敬則詔

永泰元年五月

謝朓故事，騰徐嶽列如右。王敬則稟質凶猾，本謝人綱，直以宋季多艱，頗有膂力之用。驅獎所至，遂升榮顯。皇運肇基，預聞末議。功非匡國，賞實震主。爵冠報珪，身登衣袞。固已風雅作刺，播紳側目。而溪谷易盈，鴟梟難改。猜心內駭，隴辭外布。永明之朝，履霜有漸。隆昌之世，堅冰將著。從容附會，朕有力焉。及景祿惟新，推誠盡禮。中使相望，軒冕成陰。迺嫌跡愈興，禍圖茲構。收合亡命，結黨聚羣。外候邊警，內伺國隙。元遷兄弟，中萃淵蔽。姦契潛通，將謀竊發。朓



卽姻家嶽又邑子取據匪他昭然以信方邵之美未聞韓彭之覺  
已積此而可容孰寄刑典便可卽遣收掩肅明國憲大辟所加其  
父子而已凡諸註誤一從蕩滌南齊書王敬則傳案是年七月遣詔編入沈約集中

敷賜傅昭漆合燭盤

卿有古人之風故賜卿古人之物南史傳

東昏侯

侯諱寶卷字智藏本名明賢明帝第二子建武元年立爲皇太  
子永泰元年七月卽位明年改元永元在位三年見弑追封東  
昏侯

優詔免議陳顯達永元元年四月

昔衛霍出塞往往無功馮鄩入關有時虧喪况公規模肅舉期寄  
兼深見可知難無損威略方振遠圖廓清朔土雖執憲有常非所

得議

南齊書陳顯達傳

詠謝朓詔 永元元年

公等啟事如此。朓資性輕險。久彰物議。直以彰顯。漸伎。見齒衣世。昔在洛宮。構扇蕃邸。日夜從諛。仰窺俯盡。及還京師。謝自宣露。江漢無波。以爲己功。素論於茲。而盡摺紳。所以側目去夏之事。頗有微誠。實擢曲加。踰邁倫序。感悅未聞。陵競彌著。遂復矯構風塵。妄惑朱紫。詆貶朝政。疑間親賢。巧言利口。見醜前志。消流織弊。作戒遠圖。宜有少正之刑。旨巾去害之義。便可收付廷尉。肅明國典。齊書

謝朓傳

徐孝嗣賜死下詔 永元元年十月

周德方熙。三監逃叛。漢麻載昌。宰臣構展。皆身膏斧鉞。族同煙燔。殷鑒上代。垂戒後昆。徐孝嗣憑藉世資。早蒙殊遇。階緣際會。遂登台鉉。匡翼之誠無聞。詔蹟之迹屢著。沈文季門世。下缺南齊書徐孝嗣傳

和帝

帝諱賈融字智昭明帝第八子建武元年封隨郡王永元元年改封南康王出爲西中郎將荊州刺史二年長史蕭穎胄雍州刺史蕭衍舉兵三年擁立于江陵改元中興在位二年禪位于梁封巴陵王尋薨追諡曰和帝

舉義下教

吾躬率晉陽剪此凶孽戎事方勩宜覃澤惠所領內繁因見徒罪無輕重殊死已下皆原遣先有位署卽復本職將吏轉一階從征身有家口停頓給廩食凡諸雜役見在諸軍帶甲之身克定之後悉免爲民其功効賞報別有科條

南齊書和帝紀

復除荆雍義罷詔

中興元年四月

荆雍義舉所基實始王迹君子勞心細人盡力宜加酬獎副其乃誠凡東討罷軍及諸嚮義之眾可普復除

南齊書和帝紀

詔報崔儼

中興元年

具卿寬切之懷，卿門首義而旃德木影，亦追以慨然。今當顯加贈

諡前齊古雀  
忠厚特

賜進士出身一品銜廣東等處提刑按察使司按察使兼管驛傳事務山岡王毓藻校刊

全齊文卷五終

全齊文卷六

烏程嚴可均校輯

文安王后

后諱寶明琅邪臨沂人宋吳興太守韶之孫女泰始末高帝爲  
文惠太子納爲室建元元年爲南郡王妃四年爲皇太子妃永  
明十一年爲皇太孫太妃鬱林卽位尊爲皇太后稱宣德宮歷  
鬱林至和帝廢立大事咸假其命天監十一年薨年五十八謚  
曰安后

廢少帝爲鬱林王令

鎮軍車騎左僕射前將軍領軍左衛衛尉八座自我皇厯攸基受  
終于宋睿聖繼軌三業重光太祖以神武創業草昧區夏武皇以  
英明提極經緯天人文帝以上哲之資體元良之重雖功未被物  
而德已在民三靈之眷方永七百之基已固嗣主特鍾沴氣爰表

弱齡險戾著於綠車，愚罔彰於宗正，徇馬是好，酒色方湎，所務唯鄙事，所疾唯善人。世祖慈愛曲深，每加容掩，冀年志稍改，立守神器，自入纂鴻業，長惡滋甚，居喪無一日之哀，縷絰爲歡宴之服，昏酣長夜，萬機斯壅，發號施令，莫知所從，闔豎徐龍駒，專總樞密，奉叔珍之互執權柄，自以爲任，得其人，表裏緝穆，遺蕭曹而愈信，布倚太山而坐平原，於是恣情肆意，罔顧天顯，二帝姬嬪，並充寵御，兩宮遺服，皆納玩府，內外混漫，男女無別，丹屏之北，爲酤鬻之宇，青蒲之上，開桑中之肆，又微服潛行，信次忘反，端委以朝，虛位交戟而守空宮，積旬矣。宰輔忠賢，盡誠奉主，誅鋤羣小，冀能拔革，曾無克己，更深怨憾，公卿股肱，以異已置戮，文武昭穆，以德譽見猜，放肆醜言，將行屠脍，社稷危殆，有過綴旒，昔太宗克光於漢世，簡文代興於晉氏，前事之不忘，後入之師也。鎮軍居正體道，家國是賴，伊霍之舉，實守淵譏，便可詳依舊典，以禮廢黜，中軍將軍，折宏

王體自文。卓容哲天秀。宜入嗣鴻業。永靈四海。外卽以禮奉迎。未

亡人屬此多難。投筆增慨。

南齊書 林王紀

廢少帝爲海陵王令

司空後將軍丹陽尹右僕射中領軍八座。夫明晦迭來。屯平代有。上靈所以睠命。億兆所以歸懷。自皇家消耀。列聖繼軌。諸侯官方。百神受職。而殷憂時放。多難荐臻。隆昌失德。特紊人鬼。非徒四海解體。乃亦九鼎將移。賴天縱英輔。大匡社稷。崩基重造。墜典再興。嗣主幼沖。庶政多昧。且早嬰疴疾。弗克負荷。所以宗正內侮。政藩外叛。覘天祝地。人各有心。雖三祖之德在民。而七廟之危行及。自非樹以長君。鎮以淵器。未允天人之望。靈息奸究之謀。太傅宣城王。盾體宣皇。鍾慈太祖。識冠生民。功高造物。符表夙著。謳誦有在。宜入承靈命。式靈宗祏。帝可降封海陵王。吾當歸老別館。昔宣帝中興。漢室簡文。重延晉祀。庶我鴻基。於茲永固。言念家國。感慶載

全齊文卷六

文多正后

懷南齊書海  
陵王紀

數東昏侯罪惡令

皇室受終，祖宗齊聖，太祖高皇帝肇基駿命，膺祿受圖，世祖武皇帝係明，下武高宗明皇帝重隆景業，咸降年不永，宮車係晏，皇祚之重，允屬儲元，而稟質凶愚，發於稚齒，爰自保姆，迄至成童，忍戾昏頑，觸途必著，高宗畱心正嫡，立嫡惟長，輔以羣才，閑以賢戚，內外維持，蕪免多難，未及葺稔，便逞屠戮，密城近親，元勳良輔，覆族殲門，旬月相繫，凡所任杖，盡慝窮奸，皆營伍屠販，容狀險醜，身乘朝權，手斷國命，誅戮無辜，納其財產，睚眦之間，屠覆比屋，身居元首，好是賤事，危冠短服，坐臥以之，晨出夜反，無復已極，驅斥氓庶，巷無居人，老細奔迫，置身無所，東過西屏，北出南驅，負疾輿屍，填街塞陌，瑱築繕造，日夜不窮，晨構夕毀，朝穿墓塞，絡以隋珠，方斯已陋，飾以璧璫，曾何足道，時暑赫曦，流金鑠石，移竹換果，匪日伊



夜根未及植葉已先枯。薪鋪紛紛。勤倦無已。散費國儲。專事浮飾。  
逼奪民財。自近及遠。兆庶惴惴。流竄道路。府帑既竭。肆奪市道。工  
商稗販。行號道泣。屈此萬乘。躬事角抵。昂首翹肩。逞能撞木。觀者  
如堵。曾無忤容。芳樂華林。並立闌闌。踞肆鼓刀。手拚輕重。干戈鼓  
譟。昏曉靡息。無戎而城。豈足云警。至於居喪淫譏之愆。三年載弄  
之醜。反道違常之釁。牝雞晨鳴之隱。於事已細。故可得而略也。罄  
楚越之竹。未足以言。校辛癸之君。豈或能匹。征東將軍忠武奮發。  
投袂萬里。光奉明聖。翊成中興。乘勝席卷。掃清京邑。而羣小靡識。  
嬰城自固。緩戮稽誅。倏彌旬月。宜速勘定。寧我邦家。可潛遣閔介。  
密宣此旨。忠勇齊奮。端加蕩撲。放斤昏凶。衛送外第。未亡人不幸。  
驟此百罹。感念存沒。心焉如割。奈何奈何。而齊書東昏侯紀

迎立南康王令

西中郎將南康王宜纂承皇祚。光臨億兆。方俟清宮。未卽大號。可

且封宣城王。相國荊州牧，加黃鉞，置僚屬，選百官。西中郎府南康郡爲宣城王。相國荊州牧，加黃鉞，置僚屬，選百官。西中郎府南康國並如故。須軍次近路，王者詳依舊典，法駕奉迎。南齊書和帝紀驍騎將軍夏侯

宣自京師至江陵

初宣德大后令

曰：巴陵王寶義爲太尉領司徒令。

不言之化，形于自遠。

南齊書明七王傳南史四十四

豫章王嶷

嶷字宣儼，小名阿玉。高帝第二子。宋泰始中爲太學博士、長城令，入爲尚書左民郎、錢唐令，賜爵晉壽縣侯。除通直散騎侍郎。元徽初，爲寧朔將軍，遷中書郎，出爲安遠護軍、武陵內史，遷順帝車騎諮議參軍，隨府遷驃騎從事中郎。及卽位，轉侍中，加冠軍將軍，遷中領軍，加散騎常侍，出爲左將軍、江州刺史，改封永安縣公，徙領西將軍、荊州刺史，齊受禪，遷侍中，尚書令，驃騎大

將軍開府儀同三司揚州刺史封像章郡王徙南蠻校尉荆湘  
二州刺史入爲中書監司空揚州刺史武帝卽位進太尉領太  
子太傅進大司馬永明十年卒贈丞相揚州牧謚曰文獻王  
請立州郡秩俸供給定格表

宋氏呂來郡州秩俸及雜供給多隨土所出無有定準夫

己上十二字

通典有之本傳在敘事中

循革貴宜損益資用治在風均政由一典伏尋郡縣

長尉俸祿之制雖有定科而其餘資給復由風俗東北異源西南  
各緒習以爲常因而弗變緩之則莫非通規澄之則靡不入罪殊  
非約法明章先令後刑之謂也臣謂宜使所在各條公用公田秩  
石迎送舊典之外守宰相承有何供調尙書精加洗覈務令優衷  
事在可通隨宜闡許損公侵民一皆止卻明立定格班下四方永  
爲恆制

南齊書豫章王嶷傳又見通典五

讓領太子太傅手啟

陛下已敕孝纂業萬寓惟新諸弟有序臣屢荷隆愛叨授台首不敢固辭俛仰祇寵心魂如失負重量力古今同規臣窮生如浮質操空素任居鼎右已移氣序自頃以來宿疾稍纏心慮恍惚表於容狀視此根候常恐命不勝恩加以星緯屢見災祥雖脩短有恆能不耿介比心欲從俗啟解今職但厝辭爲鄙或貽物誼所以息意緘嘿一委時運而可復加寵榮增其顛墜且儲傅之重實非恆選遂使太子見臣必束帶宮臣皆再拜二三之宜何以當此陛下同生十餘今惟臣而已友于之愛豈當獨臣鍾其隆遇別奉啟事仰祈恩照臣近亦侍言太子告意子良具因王儉申啟未知粗上聞未福慶方隆國祚永始若天假臣年得預人位唯當請降韶瑞以飾微軀永侍天顏以惟畢世此臣之願也服之不衷猶爲身災況寵爵乎殊榮厚恩必誓以命請

前齊書傳  
章王敬傳

自陳啟

臣自還朝，便省儀刀，捉刀左右十餘，亦省唯郊外遠行，或後暫有入殿，亦省服身。今所牽仗二使，設二白直共七八十人，事無大小，臣必欲上啟，伏度聖心，脫未委曲，或有言其多少，不附事實，仰希卽賜垂敕。南齊書齊章王暕傳

又啟

揚州刺史舊有六白領合扇二百拂，臣脫以爲疑，不審此當云何。行園苑中，乘輿出籬門外，乘輿鳴角，皆相仍如此，非止於帶神州者，未審此當云何。方有行來，不可失表。南齊書齊章王暕傳

又啟

臣拙知自處，闇於疑訪，常見素姓扶詔，或箸布屣，不意爲異。臣在西朝，拜王儀飾，悉依宋武陵事，例有二鄣扇，仍此下都，脫不爲疑。小兒奴子，並青布袴衫，臣齋中亦有一人，意謂外庶所服，不疑與羊車相類。曲荷慈旨，今悉改易，臣昔在邊鎮，不無羽衛，自歸朝以

來便相分遣，候殺白直格置三百許人，臣頃所引不過一百，常謂京師諸王不煩牽仗，若郊外遠行，此所不論。有仗者非臣一人，所以不容方幅，敬省。又因王儉備宣下情，臣出入榮顯，禮容優泰，第宇華曠，事乖素約，雖宋之遺製，恩處有在，猶深非服之慙。威衛之請，仰希曲照。

南齊書梁章王巖傳

又啟

違遠侍宴，將踰一紀，憂苦間之，始得開顏。近煩侍坐，不勝悲喜。沾飲過量，實得仰示恩狎。令白下知見，以杜游塵。陛下畱恩子弟，此情何異。外物政自彊生，間節聲其厚薄。伏度或未上簡，臣前在東田，承恩過醲，實思歎往秋之謫，故言敬至切，亦令羣物聞之。伏願已照此心，前侍幸諱。

梁文帝

諱地

宅，臣依常乘車至仗後，監伺不能示

臣可否，便互競啟。聞云臣車逼突黃屋，麾旄如欲相中，推此用意，亦何容易。仰賴慈明，卽賜垂救，不爾臣終不知闕貽。此累比日禁

斷整密此自常理外弊乃云起臣在華林輒捉御刀因此更嚴度  
情推理必不容爾爲復上啟知耳但風塵易至和曾實難伏願翁  
憶臣石頭所啟無生間縱比開侍無次略附茹亮口宣臣由來華  
素已具上簡每欲存衷意慮不周或有乖常且臣五十之年爲翫  
幾時爲此亦復不能以理內自制北第舊邸本自甚華臣改脩正  
而已小小製置己自仰簡往歲收合得少雜材並蒙賜故板啟榮  
內許作小眠齋始欲成就皆補接爲辨無乖格製要是檉柏之華  
一時新淨東府又有齋亦爲華屋而臣頓有二處住止下情竊所  
未安訊訪東宮玄圃乃有柏屋製甚古拙內中無此齋臣乃欲壞  
取以奉太子非但失之於前且補接既多不可見移亦恐外物或  
爲異論不審可有垂許送東府齋理否臣公家住止率爾可安臣  
之今啟實無意識亦無言者太子亦不知臣有此屋政以東宮無  
而臣自處之體不宜爾爾所啟蒙允臣便當取臣第屋安之不疑

陛下若不照體臣心，便當永廢不脩。臣自謂今啟，非但是自處宜然，實爲微臣往事。伏願必垂降許，伏見以諸王舉貨，屢降嚴旨，少拙營生，已應上簡。府州郡邸舍，非臣私有。今巨細所資，皆是公閭。臣私累不少，未知將來罷州之後，或當不能不試學營覓。臣自瞻連年惡疾餘，顧影單回，無事畜聚，唯逐手爲樂耳。南齊書像  
韋王發傳

唐寓之賊起啟

此段小寇出於兇愚，天網宏罩，理不足論。但聖明御世，幸可不爾。比藉聲聽，皆云有由而然，豈得不仰啟所懷，少陳心款。山海崇深，臣獲保安樂，公私情願於此可見。齊有天下，歲月未久，澤沾萬民，其實未多。百姓恃險，懷惡者眾。陛下曲垂流愛，每存假貸，但頃小大士庶，每以小利奉公，不願所損者大。槌箠檢工巧，督餉簡小塘，藏丁匿口，凡諸條制，實長怨府。此目前交利，非天下大計。一室之中，尚不可精，況宙之內，何可周。社公家何嘗不知民多欺巧，古今



政以不可細碎故不爲耳爲此者實非乖理但議理者百不一  
陛下弟兄大臣猶不皆能伏理況復天下悠悠萬品怨積聚黨  
迷相類止於一處何足不除脫復多所便成紆紆久欲上啟閣侍  
無因謹陳愚管伏願特畱神恩南齊書像章王疑傳南史四十二

疾篤啟

臣自嬰今患亟降天臨醫走術官泉開臧府慈寵優渥備極人臣  
生年疾迫遽陰無幾願陛下審賢與善極壽蒼身疆德納和爲億  
兆御臣命違呂數奄奪恩憐長辭明世伏涕嗚咽南齊書像章王疑傳

與沙州刺史楊廣香書

夫廢興無謬逆順有恆古今共貫賢愚同察梁州刺史范柏年懷  
掖詭態首鼠兩端既已被伐盤桓稽命遂潛遣李烏奴叛楊文弘  
扇誘邊疆荒雜柏年今已梟禽烏奴頻被摧破計其餘燼行自消  
夷今遣參軍行晉壽太守王道寶參軍事行北巴西新巴二郡大

守任湜之行宕渠太守王安會領銳卒三千。過塗風邁。浮川電掩。又命輔國將軍三巴校尉明惠照巴郡太守魯休烈南巴西太守柳弘稱益州刺史傅珍並簡徒競騫選甲爭馳雍州水步行次魏興並山東僑舊會於南鄭或汎舟墊江或飛旆劍道腹背颯騰表裏震擊文弘容納叛戾專爲淵藪外侮皇威內凌國族君奕世忠款深識理順想卽起義應接大軍共爲犄角討滅烏奴克建忠勤茂立誠節沈攸之資十年之積權百旅之眾師出境而城潰兵未戰而自屠朝廷無遺鏃之費士民靡傷瘼之弊况葢爾小豎方之蔑如其取殲殄豈延漏刻忝以寡昧分陝司蕃清氛蕩穢諒惟任職此府器械山積戈旗林聳士卒剽勁蓄銳積威除難勦寇豈俟召集但以翦伐萌齒弗勞洪斧撲彼蚊蚋無假多力皇上聖哲應期恩澤廣被罪止首惡餘無所問賞罰之科具寫如別

南齊書  
氏光傳

戒諸子

凡富貴少不驕奢以約失之者鮮矣漢世以來族王子弟以驕恣之故大者滅身喪族小者削奪邑地可不戒哉

南史四十二

遺令

人生在世本自非常吾年已老前路幾何居今之地非心期所及性不貪聚自幼所懷政以汝兄弟累多損吾暮志耳吾亡後當共相勉厲篤睦爲先才有優劣位有通塞運有富貧此自然理無足以相陵侮若天道有靈汝等自各脩立灼然之分無失也勤學行守基業治閨庭尙閑素如此足無愛患聖主儲皇及諸親賢亦當不以吾破易情也三日施靈唯香火槃水盂飯酒脯擯擲而已期望菜食一盤加以甘果此外悉省葬後除靈可施吾常所乘輿扇繖朔望時節席地香火槃水酒脯盂飯擯擲便足雖才愧古人意懷粗亦有在不以遺財爲累主衣所餘小弟未婚諸妹未嫁凡應此用本自茫然當稱力及時率有爲辦事事甚多不復甲乙權器

及墓中勿用餘物爲後患也。朝服之外唯下鐵鍔刀一口作冢勿令深。一一依格莫過度也。後堂樓可安佛供養外國二僧。餘皆如舊。與汝游戲後堂。船乘吾所乘牛馬送二宮。及司徒服飾衣裘悉爲功德。南齊書豫章王巖傳臨終召子子廉等號泣奉行

江夏王鋒

鋒字宣穎小名闍黎高帝第十三子

南史作十二子

建元三年封江夏

王永明中。歷輔國將軍南彭城平昌二郡太守。散騎常侍左衛將軍。轉侍中。領石頭戍事。出爲南徐州刺史。鬱林卽位。加散騎常侍。隆昌初。入爲侍中。領驍騎將軍。加祕書監。延興元年。爲明帝所殺。

修柏賦

既殊羣而抗立。亦含貞而挺正。豈春日之自芳。在霜下而爲盛。衝風不能摧其枝。積雪不能改其性。雖坎壈於當年。庶後凋之可詠。

南史江夏

王鋒傳

始安王遙光

遙光字元暉高帝兄子襲父道生爵始安王歷員外郎轉給事黃門郎太孫洗馬轉中書郎明帝卽位以爲前將軍揚州刺史進撫軍將軍加散騎常侍進大將軍東昏奉遺詔加侍中中書令永元元年據東府反伏誅

上明帝表薦王暕王僧孺

臣聞求賢暫勞垂拱永逸方之疏壤取類導川伏唯陛下道隱旒纒信充符璽白駒空谷振鷺在庭猶懼隱鱗卜視藏器屠保物伍闕下委裘河上非求製於一狐諒求味於兼采而五聲倦響九工是諷寢議廟堂借聽與阜臣位任隆重義兼邦家賢欲使名實不違微幸路絕勢門上品猶當格以清談英俊下僚不可限以位貌竊見祕書丞琅邪王暕年二十一七葉重光海內冠冕神情氣茂

允迪中和，叔寶理道之談，彥輔名教之樂，故以暉映先達，傾袖後進，居無塵雜，家有賜書，辭賦清新，屬言玄遠，室邇人曠，物疎道親，養素上園，台階虛位，庠序公朝，萬夫傾首，豈徒苟令可想，李公不亡而已哉，乃東序之祕寶，瑚璉之茂器，前侯官令東海王僧孺，年三十五，理尚虛約，思致悟敏，既筆耕爲養，亦傭書成學，至乃照帶映雪，編蒲緝柳，先言往行，人物雅俗，甘泉遺儀，南宮故事，畫地成圖，抵掌可述，豈直麤鼠有必對之辨，竹書無落簡之謬，訪對不休，質疑斯在。

梁書王僧孺傳  
王僧孺傳

誅謝朓啟

謝朓資性險薄，大彰遠近，王敬則往構凶逆，微有誠効，自爾昇擢，超越倫伍，而谿壑無厭，著於觸事，比遂扇動內外，慮處姦說，妄貶乘輿，竊論官禁，間諉親賢，輕議朝宰，醜言異計，非可具聞，無君之心，既著，共秉之誅，宜及，臣等參議，宜下北里，肅正刑書。

南齊書謝朓傳東昏

夫德江祚欲立始安王遙光遙光密致意於賊賊懼見引帥以  
等謀告左典盛祚間以告遙光遙光大怒乃稱敕召朕付廷尉與  
徐孝嗣祚暄等

連名殺祚暄等

文惠太子

太子諱長懋字雲喬武帝長子小字白澤昇明初爲輔國將軍  
遷晉熙王撫軍主簿轉祕書丞不就除中書郎遷黃門侍郎出  
爲左中郎將監蠻校尉雍州刺史齊受禪封南郡王進號征虜  
將軍徵爲侍中中軍將軍移鎮西州遷征北將軍南徐州刺史  
武帝卽位立爲皇太子永明十一年薨諡曰文惠葬景安陵鬱  
林卽位追尊爲文帝廟稱世宗有集十一卷

疾篤上表

臣地屬元良業微三善光道樹風於焉蓋闕晨宵幽懼有若臨淵  
攝生外和構離痾疾大漸惟幾顧陰待謝守器難永視瞻長遠仰  
慈慈顏內懷感哽竊爲死生定分理不足悲伏願割無已之悼損

既往之傷寶衛聖躬同休七百臣雖沒九泉無所遺恨

南齊書  
文惠太子傳

賜進士出身一品銜廣東等處提刑按察使司按察使兼管驛傳事務黃岡王毓藻校刊

全齊文卷六終